

# LESA WA INO NKULO IYA BIPA



[Munyina Orman Neville atila:]

[Ulu ulusebo, panuma ya musonkano uwa kukwatila pamo ye bumba lya ba Kalamba ne Bumba lya Bacetekelwa ba pe Hema iyaliko pali Cisano munshita ya bushiku, tulebelenga ifyo twasumunishenye ifi ifyo ifikakuma umwaume onse, umwanakashi onse, uyo uwasuminishiwa pabwelu kakonka wa bupyungishi ubu, uwingafwaya ukwishiba itontonkanyo lye Bumba lyaba katungulula, ba Kakumba, kabili Inkonkani yaba Kakumba, Na belenga ifyasuminishiwe luno lucelo. Bonse beni abamushiye mukukutika kabili poseniko amano kuli ici ngefyo mwingakwanisha ukucita.]

[IFI IFYASUMINISHIWE FYAPANGILWE  
KABILI FYASUMINISHIWE NE BUMBA LYABA  
CETEKELWA, NA BAKALAMBA MUKUSUMINISHIWA  
UKWAPWILILIKA NABA KAKUMBA PAMOFYE  
NENKONKANI YABA KAKUMBA.]

[I: Yonse ama tepu ya mbila shakwa Shimapepo William Branham yafwile ukupangwa na Fred Sothmann eka, kanofye Ibumba kuntanshi likafumye icishibisho. Tatulesuminisha pali ino nshita ubuli bonse Ubupyungishi bwa ma Tepu Yabula ukushita. Aya amatepu yalipelwa insambu iyaku shitishiwa muncende, kabili teti yakwate ukupangilwapo nayambi ku muntu umbi kanofye Fred Sothmann nga tapali insambu shalembwa ukufuma kuli ena.]

[II: Takuli umuntu ukutekesha imisonkano, ukushitisha ama buuku, nangu ba tepu, ukulemba utupepala paba ifyabukaepa, ukupela utusalu twa mapepo nangu ifitupa fya musango uli onse, nangu ukwipusha ifyabupe, tafili ifya suminishiwa kuli lino icalichi nangu kakumba waliko. Bena balecita ici panshi ya micitile ya kupalanya iyabufi, kabili tabapelwa insambu ishakucita ico.]

[III: Cino icalichi tacituma kunse bakapyunga abali bonse ukucila pali kakumba waciko, Shimapepo William Branham, ukuya muku shimikila kumbi.]

[Imilandu kwabela ifi ifyakusuminishanya nishi shikonkelepo:]

[Ici naciletwa kukwishiba kwesu ukutila ba kapyunga baleshinguluka mu calo ukwingila mwisenge limbi, ukusosa ukuti bena baba ulubali na, kabili batumwa ukuya kuli cino icalichi ukushimika muli iyi misonkano.]

[Ici caliletwa kukwishiba kwesu ukutila abantu balelemba ifitupa no tupepala apalembwa ifya mipepele, ukulatuma insalu sha kupepelelwa nafimbi po. kwati bena balipelwa insambu ishakucita ifyo kwi chalichi ici na Kakumba waciko, ico icishili ca cishinka. Kuti caba icakutotela nga imwe kuti mwaishibisha ichalichi pa muntu onse uukasangwa alecita ici.]

[Ifi ifyasuminishiwe fyalibelengwa nokusuminishako kuli Kakaumba Shimapepo William Branham, Inkonkani yakwa Kakumba Shimapepo Orman Neville, kabili Ibumba lya Bacetekelwa na Bakalamba.]

[“Lekeni Shikulu amupale bonse.”—Kale.]

[Mu musonkano wa cungulo kasuba, 65-0801E, Munyina Branham aleeba ifyo ibumba lya chalichi lyapangile uku ukusala. Tapali amashiwi pali tepu.]

. . . ifintu filacitwa, cetekela fye;  
Cetekela fye, cetekela fye,  
Fyonse filacitwa, fye. . .

Natukonkeke imitwe yesu.

Mwe ba mu Myuulu Taata, tuli abatotela luno lucelo ukuti kuti twa cetekela. Ici icalenga ukucitika ku wasumine u Mulopa wa Mwana Wenu, Yesu, ukuti tube abakumako ku luse Lwakwe; kabili ukusanguka abana baume na bana banakashu abakwa Lesa, ukupitila mukubela Kwakwe ku mfwa yapa lupanda, ukuba abalungamikwa paku cetekela pali Ena no kubuka Kwakwe, kabili nomba Mupashi wa Mushilo uwasanswa pali cila umo mu mitima yesu.

<sup>2</sup> Tuli abatotela pa nshita iyayana ukwisa kuno luno lucelo ukwisa akanyako amatontonkanyo yesu nefyo twatemwa, ukulondolola ukupitila mu nyimbo, amabunte, ukubelenga kwa Malumbo, ukubelenga kwa Cebo Cenu, kabili ukulolela mukuposako amano pa Mupashi wa Mushilo ukuleta kuli ifwe i Mbila yasontwa kwi ora ino. Cisuminisheni ici, Shikulu. Lekeni tunonkelemo pakuba pano ileelo. Kabili ilyo tulefuma mu cikulwa, lekeni tusose nga balya abalefuma ku Emmausi, “Bushe imitima yesu tayacipya mukati kesu ilyo Ena acilalanda naifwe luno lucelo?” Fikilisheni ifi fintu, Uwamuyayaya Lesa, Mwishina lyakwa Yesu Kristu. Amen.

Kuti mwaikalako.

<sup>3</sup> Mwashibukeni, ba cibusa, pano, kunse kuno mwi hema kabili nakuli ba cibusa kunse ukushinguluka mu calo, ukuya konse ku Lulamba lwa ku Mbonshi, nakabili luno lucelo, ukuya ku Lulamba lwaku Kabanga, kabili ku kapinda kaku kulyo kabili ku masamba, abampene pali ba lamya.

<sup>4</sup> Bushiku ubusuma muno mu Indiana, apanono, kuliko amakumbi panono, nakutalalako panono, nakuwama nganshi.

Ihema nalisula, ukufuma ukwingila mu mansa kabili ukushinguluka ifibumba. Tuli mwisamba ya fyakucetekela ukuti Shikulu atutandalile ileelo. Kabili tulesubila ukuti Lesa namipela ubushiku ubusuma konse uko muli. Kabili buli ubushiku ubusuma, pantu Shikulu nabupela bwena. Temulandu fintu imicele ili, bwena busuma ubushiku. Tuli abansansa ukuba pano, abansansa cibe ukuti natukwata akashita akalinga ukulondolola ku calo icesu icicetekelo muli Yesu Kristu. Kabili tulefwaya ukusenda akashita akalinga ako twingakwata ukupela ukulondolola kwesu pa Cakwe ici temwiko kabili ifintu Ena atucitila. Ileelo tuli . . .

<sup>5</sup> Na cipelwa, inshita iinono yapitapo, i—i cakubilisha icakupanga, kabili nomba Ninkwata ifintu ifinono eflyo Ningafwaya uku sosa. Kabili cimo pali ifyo, icakubilisha bacimpela cakulola kuli mitingi ye bumba lya ba kalamba ubushiku bwafumineko. Kabili kwaliba umukalamba umo ukufuma mu chalichi uwile mukwikala ku Arizona, uyo ni Munyina Collins, munyinefwe uwacindikwa. Kabili ilyo alefumapo, bena, ibumba lya bakalamba, nalisonta Munyina Charlie Cox ukupyana incende yakwe ilyo ena afuminepo. Kabili Munyina Charlie Cox ali uwasontwa ukulingana na mafunde ku ba cetekelwa . . . nangu ibumba lya bakalamba lya lino ichalichi, ukupyana i ofishi lyakwa Munyina Collins, ilyo ena talipo.

<sup>6</sup> Kabili icintu cimo ico Ndefwaya ukusosa, nakabili, Ndefwaya ukumitotela bonse mwe bantu, pantu bamo pali imwe kuti mwaya ku ng'anda ninshi ukulongana kwakuposha ieelo munshita yabushiku, pafintu ifinono ifyabupe, ifibukisho. Ifyakulya ifingi fyaliletwa kuli ifwe ukufumafye ilyo twaba kuno. Kabili ukufuma ku mukashi wandi na Ine, kabili nolupwa lwandi, mucishinka natutotela ici. Limo limo Ndalaba ukusosa icili conse pali ici. Kuli ukwapamfya, namwishiba. Itontonkanyo lyandi lili ilya shinguluka inshita yonse. Imwe kuti mwa elenganya ifyo cena cili, pa bantu, te kufumafye pano pene pa chalichi, lelo ukufuma ukushinguluka icalo. Mwamona? Kabili ici cipala mukumbika ine muku tontonkanya inshita yonse.

<sup>7</sup> Umo umuntu alesosa palwa kubika abana kuli Shikulu, kabili ukulongana kwa kubatisha, kabili nafimbi ifyakonkapo. Ico cili bwino nganshi. Kuti Nakabila ukucita ici, lelo caba icanyongana nganshi, Ine—Ine inshita nakwata inono sana. Mfwile ukubika itontonkanyo lyandi pali iyi, iyi Mbila. Mwalishiba Baibele yasosele ku batumwa, nangu . . . Abatumwa, nangula, mu Baibele, yatile, “Kabiyeni, mufwailishe mwebene, pali imwe, abaume ba lusebo ulusuma, kabili abacishinka kabili abaisushiwa na Mupashi wa Mushilo, ukuti bena balolekeshe pa milandu.” Kabili Na ebele Billy . . .

Atile, “Muleya mukubika umwana kuli Shikulu ino nshita, taata?”

Natile, “Oh, owe!” Mwamona? Nga. . . Natukwata abengi bena abalelolela ukubikwa kuli Shikulu, kabili ico nacilungama, Mfwilefye ukubwela no kusenda ubushiku ubwalashikwa ubwaku bika abana. Eico kuti Natemwa ukucita ico, nomba.

<sup>8</sup> Lelo tulefwaya ukutotela cila umo pali imwe ukufuma mu mitima yesu; umukashi, Ine, no lupwa lwesu. Abantu balatuletela ifyakulya fyamufikopo, cilemba iyanona iipya, amabilika, amabilika ya mutuntula, oh, ifisabo fyakashika ifyalowa. Ifililifye fyonse ifinga tontonkanishiwapo, bena balacileta ici.

<sup>9</sup> Munyina uwa temwikwa ne nkashi yakwe, ubushiku bwafuminepo, balituletele iikulu kalukuluku. Ine na nomba ndelya iyi. Kabili eico fye. . . Oh, kabili Mfwile ukuciwamya ici ilyo Nshilaya, Nde elemganya. Eico nga Nshicitile ico, ena akacisenda ici naifwe. Kabili eico—eico tuli. . . Ifwe mucine tuli abatotela pali ifi fintu. Ninjishiba abantu abengi; bamo pali bena Nshabeshiba. Bena balelambalala pa lukungu ilyo tuleingilamo. Kabili eico Ine mucine ndi uwatotela ici.

Kabili abengi abo Naishiba. Ninkwata. . . Nimona abengi, kabili kuli abengi ebo Nshikwanisha ukumona. Ndi—Ndi uwashininkisha ukuti bonse nabakutuluka kuti Na—Na fwaya ukufika kuli onse umuntu nga kuti Na kwanisha, lelo Nabafye umo. Mwamona? Uku. . . Ine teti mfike kuli cila umo. Ndecita fyonse ifyo Naishiba efyo ningacicita ici.

<sup>10</sup> Eico, Lesa abe naimwe. Nincetekela ukuti kuli Umo uyo ali nokuba naimwe; uyo ni Yesu Kristu, kabili Ena kuti aba. Ena e Muntu eka uwaba uusangwa muncende shonse inshita shonse. Kabili Ena kabili aliba uwamaka yabula impela, eico Ena kuti apela ukukabila konse. Kabili, ewaishiba fyonse, kabili alishiba ifyakukabila fyenu fyonse, pafyo mwakwata ifyakukabilapo.

<sup>11</sup> Naeba bonse abantu ukuti Nshili noku. . . Ndesenda mukwangufyanya uko Ningakwanisha, ukufumafye lintu Naciba pano luno lucelo, kabili Ndesenda bonse abantu abo Ninga kwanisha. Kabili nga. . . Ifyo Mfuluka, Lesa uwamaka ayabula impela aka—aka mupela ukukabila konse ukwenu ukulingana ne fyuma Fyakwe mu Bukata.

<sup>12</sup> (Ine teti mbelenge ico bwino. Bushe kuti mwacibelenga ici?) Ici cakubilisha icaibela icapalako. Kabili Ndetontonkanya Billy Paul ewacilemba ici. Eico ena aba nga ine; Ine teti mbelenge ukulemba kwandi. Kabili eico Nalikwata ukwipifya kwandi nemwine. Kabili nga kuti mwamona fimo ifyalembwa ifyandi pano, apo nalemba pano, mulemona kwati kuti mwacikutuluka ico? Ninkwata kwati lutanda, luletoloka pa bulalo, kabili nafimbipo, fyonse fye. . .

[Munyina Neville abelenga, “Ebeni Munyina Adair ukufuma ku Arkansas amone Munyina Perry Green kunuma ya chalichi nombaline.”—Kale.] Munyina Adair, Adair uwaku Arkansas,

amone Shimapepo Pearry Green kunuma ye chalichi nombaline. Cisuma.

<sup>13</sup> Nomba, eico nacimbi icintu ico Ine nde—nde fwaya kukbilisha pano ni—ni ico, ninshita ya bushiku nomba iya kulongana kwa kupepelelwa kwakuposhiwa. Tuleisa mukupepelela abalwele munshita iyabushiku, kabili eico Nde—Nde cetekela ukuti muli nokuba pano.

<sup>14</sup> Kabili tuletuma amaposhho ku bantu bonse ukushinguluka icalo, ni mwi Shina lyakwa Yesu Kristu, ukuti Lesa alemupala luno lucelo. Bamo palwa imwe akasuba kaleya napamulu wa mitwe. Kumulu kulya ku New York, cena cili munshita yakasuba ukuba pakati kamutwe. Kabili kunse kulya ku Arizona, ku Lulamba lwa ku Mboshi, cili fye mu ma seveni koloko yalucelo. Eico kuli. . . Kabili kuno tulifye pakati. Eico Lesa amupale ilyo mulekutika. Nomba ici nalimo kuti caba. . .

Na lisenenda pakati ka mutima wandi, ilyo Naba pano. . .

<sup>15</sup> Kabili tatwasuminishiwe ukukwata imisonkano ya mu fikulwa ifikulu, kabili mukushalikisha bena balitupele ulusa; kuti twakwata ukukumana umuku umo, lelo tatufwile ukupepela abalwele abali bonse. Nsha—Nsha. . . Ubo ebu pyungishi bwandi. Mfwile ukucita ifyo Mupashi wa Mushilo wanjeba ukucita. Eico Na—Na licikene ici, pantu ukuti Ndefwaya ukuba uwakakulwa ukucita fyonse ifyo Mupashi wa Mushilo watila cita. Mwamona? Eico Natontonkenye ukuti kuti twacula ubushiku nabumbi ubushiku, ngefyo fine, mwi hema. Kabili kuli ukwatalala panono luno lucelo. Shikulu natu pangilafye ifwe ubushiku ubusuma pano, eico kuti abatotela.

<sup>16</sup> Nomba, mukucita ici, Ninjisa pano no mulandu wakufunda pa shakushalikisha Inweno, Inweno Cine lubali iyakushalikisha, kabili ayakushalikisha Amapenga Cine lubali, kabili ifyakushalikisha Ifibulukuto Cine lubali, mwi Buuku Iya Kusokolola, ukufikaka pamo muli ora umo ifwe tuleikalamo nomba; ukukonka ukwisula kwa Fikakatikilo Cine lubali, Inkulo sha ma Chalichi Cine lubali. Eico, twalifililwe ukukwata incende yakucita ici. Eico Nde—Nde subila ukuti, mukwangufyanya uko Ni ngakwanisha, ifwe kuti. . . twakwata incende iyakulingana neco, kuti caba kuno nanagu ku Louisville, ku New Albany, nangu ukwimika itenti, ekuti twingekala inshita yonse iyo Shikulu atutungulula ifwe ukucita ico.

<sup>17</sup> Nomba muli ici nomba, Na cisenda akashita akayana ukulondolola ku bantu ukucetekela kwandi kabili icicetekelo muli Lesa, kabili ukumileta muli ora iyo ifwe tuleikalilamo. Kabili kuli ici, tacaba icasontwa ku muntu uuli onse, amasambililo, icili conse cena cingaba; cilifye efyo Mona i Cebo cakwa Lesa. Kabili pa Mulungu yafumineko twalikwete ukusuma ukupongolola kwa Mupashi pa Cebo. Kwena kwaliba ukukokola nganshi, kabili Nalipatile ukwikala ukukokola muli

ulya musango; lelo cibe ifwe tatwishibe inshita iyo ifwe tuli nokukumana ku muku uwakushalikisha. Kabili tufwile, nga. . . ukufwaya ukuba. Ndefwaya ukuba, ngafilya, Paulo asosele uwakale, “Nsha kana ukucilanda kuli imwe konse Ukupanda amano kwakwa Lesa.” Yesu atile Ena tapali ifyo afishile ku batumwa Bakwe.

Kabili nalintu Ine, ukuba uwapamfiwa pa kwikala pesamba ya kusubwa kwa Mupashi wa Mushilo, ukusanga ifyo—ifyo ora, i Mbila ya nshita ili, limo ilmo Ndafilwa ukufuma nokubomba imilimo yandi ngo mubomfi wakwa Kristu, nga kapyunga. Lelo Nalikwata abaume abengi abesha ukungafwa ukucita ici, kuli ico Naliba uwatotela, pali ba kapyunga ba munyina.

<sup>18</sup> Nomba, Nshipilibula ukusunga abantu. Nga imwe, kunse ku calo uko i Mbila ileya, kuti mwaiminina no kulolesha ukushingulusha amenso lino ichalichi luno lucelo, mu nshila, umo basungila abana, kunse, ifilimba nafyaka, muli ba sacha, mumatolokoshi, kabili na fimbipo, kabili nenkunkula lubansa, kuti mwamona ubwafya apo buli. Kabili nomba cila kulongana, abengi, abengi abaleensha ukupita; kabili ukwita, nafimbipo, bena balefilwa ukwingila nangu ukushinguluka. Kabili tulekabila naimbi incende ukuti abantu bengekala nokuba abaumbfwa bwino.

Kabili nomba ukuleta panshi pa—pa Mbila iyo Ndetontonkanya ili iyakabilwa iikankala, Ndetontonkanya ukuti tufwile, cila umo, ukuba abaumfwa bwino kabili abaikala, kabili ekuti tukutike. no tulembelo twesu na ma pepala, kabili ifyakulemba na Baibele, nafimbipo, ukulemba i—i fyakulemba. Lelo iyi nshila Nacitontonkanya ukuti Ine kuti naya kunuma panshita intu tukwete, ifwe tuleikalamo, kabili ukweshwa ukuleta fimo ifi fintu ifyo mwalakumanya. Kabili muli nokufikabila ifi.

<sup>19</sup> Nga Naisa kuno ileelo, nangu ubushiku ubuli bonse, nangu kapyunga uuli onse, ukweshwa ukuleta imbila ku bantu, abalefwa abantu nga ifwe fintu tuli, kabili nenshita iyapalama nganshi, nga fintu Nacetekela ifya buno bushiku; Ine kuti naba bumbimunda ukweshwa ukuleta cimo icintu ico Njishibe ukuti imwe kuti mwaba abansansa naco kabili ici kuti caba icakulwisha i Cebo cakwa Lesa, nangu cimo icakutinta amabumba, nangu—nangu cimo icintu icaba ngefyo; Ine—Ine teti mbe. . . Ine teti mbe ifyo Na—Na ba pano ukuba, kapyunga wakwa Kristu. Ndefwaya ukuleta cimo icintu eco Mwene cilekabilwa ukubomfeshiwa kuli imwe, te kumonwa fye; lelo ukutontonkanya ukuti ni cimo icintu icakuti nga Nafwa ileelo, mailo cena cikekata mu mitima yenu ukuya kuntanshi nokubombela Lesa.

<sup>20</sup> Nomba Ndefwaya ukusosa ukutila kuli cimo icintu icilepekanya ukucitika. Ninjishiba ici. Mwebengi pano muleibukisha ilyo Munyina Junior Jackson aishile kuli ine

panonofye ilyo talaya kuntunga ya Arizona, pa ciloto ico ena akwete. Icishaseka icintu! Nibanga baleibukisha ico? [Ulukuta lwatila, "Ameni."—Kale.] Kabili Shikulu atupele ifwe ubupilibulo, kabili cena cacitike nakukalembo kamo. Nomba, ena ilyo akwete nacimbi iciloto, icintu cimo.

<sup>21</sup> Kabili icishaseka icintu, umwaume aali pano bumbi ubushiku, ukufuma ku Oregon. Tanjishiba ine, kabili ali... alotele iciloto cimo cine pafyo, ifyo Junior Jackson alotele, kabili—kabili aishile njeba ine. Nshi—Nshi shibe ubupilibulo; Ndelolela Shikulu. Lelo Ninjishiba ukuti cena cileba cimo icintu ukufuma kuli Lesa. Ibukishenifye ico. Cili ni EFYA SOSA SHIKULU. Cintu cimo icilefuma ukwisa ukufuma kuli Lesa. Nshishibe efyo cena cili. Cili icakupapusha mucine, icakupapusha nganshi! Mukukana pita mumbali, ukulingana ne—ne filoto ifyo bonse babili abaume... Umo pali bena Ine... ena nalimo kuti aba Baptisti, ba Presbyterian. Ena—ena kuti nalimo naikala pano luno lucelo. Nshishibe. Ena aali pano ubushiku bwafuminepo. Nshamwishiba uyo umwaume.

<sup>22</sup> Lelo alinjebile iciloto, ne filamba mu menso. Kabili cena calimusunkenye. Aishile inshila yonse ukufuma ku Oregon pano, mukulondolola ici. Munyina Jackson aishile munshila imo ine. Umo umuntu ukwabula ukwishiba umunankwe; umu, amakana na makana yaba mailoshi ukutalukana kuli umu no munankwe, kabili bonse babili ukulotafye bwino bwino cimo cine. Eico Mupashi wa Mushilo naikata ubupilibulo bwaico kuli ine. Nshishibe ifyakumweba umwaume. Lelo Ninjishiba ukuti Lesa alepekanya ukucita cimo icintu, kabili ici cikaba icabukata ku menso yesu.

<sup>23</sup> Nomba, i Mbila luno lucelo, Ndefwaya ukubelenga ukufuma mwi Buuku lya bena Galatia. Nshishimika nangu fye... Ili lisambilisho lye sukulu lyapa Mulungu. Kabili nomba, mwe baume na banakashi abeminine ukukonka ififumba, kabili paba umu ulefwaya ukucinjanya kabili ukumileka ukwikalako panshi panono, nangu cimo icintu, nomba, tamwansakamike; mukwatefye umucinshi. Kabili nga banyina, abana babo abanono balila nangu cimo icintu, umu umuntu alefuma umwakusungila abana icakuti bena bakwate incende iya munono ulya.

<sup>24</sup> Kabili nomba iwe senda akalembelo kobe, Baibele, Amalembo ayo ifwe twalabelenga. Nshilefwaya mumfwe abakakwa panshi. Ndefwaya imwe mumfwe—Ndefwaya imwe mumfwe abakakulwa ukwikala nokubelenga. Kabili kuti mwakana ukusuminishako, ico icilifye icalungama. Lelo Ndesosa ici ukushinuluka icalo luno lucelo, icakuti abantu abacetekela i Mbila iyo Shikulu Yesu ampele ine iya ora ino, ukuti mwishibe ifilecitika, kabili ukufibika mu Malembo.

25 Uyu Mulungu twa sosele pali *Abasubwa Bamo Mu Bushiku Bwaku Lekelesha*. Kabili nga imwe, bonse pali imwe, mwaliba bakomfwa ba ma tepu, mube abashinkisha ukusendako ilya tepu. Tekuti ukuti ifwe tulefwaya ukushitisha ama tepu; ilyo te tontonkanyo. Litontonkanyo lya kufumya i Mbila kunse. Mwamona? Mwamona? Nga mwalikwata akalimba kama tepu, sendeni ibumba lya bantu pamo, kabili ukulisha ili, kabili ukukutika mukuposako amano. “Abasubwa bamo.”

26 Mulomfwa abantu baima kabili ukutula, “Oh, Baibele yatile, ‘Munshiku shakulekelesha, ababufi bakasesema bakema kabili ukucita ifi ifilangisho.’” Ayo e bwino bwinofye Amalembo. Nomba nikwi ico calabikwapo? Ici cifwile ukubikwapo munshila iya lungama.

Muli ino nshita ya bushiku Ndefwaya ukusosa pali, nga cakuti Shikulu alecिसuminisha, pa: *Lesa Ukusokololwa Ena Mu Cebo Cakwe*, ifyo ukuti ilinso teti libomfeshiwe apo ukutwi kufwile ukuba. Mwamona? Kwatifye kulemba Baibele yonse, kabili muli Baibele, mulangisha Yesu Kristu. Eico Ndefwya ukusosa pali ico muli ino nshita ya bushiku, Shikulu nga acिसuminisha. Kabili nomba, nga teifyo, ubushiku bumbi kuntanshi.

27 Nomba mwi Buuku lya bena Galatia. Kabili mwi Buuku lya Cibili ilya bena Kolinti 4:1 ukufika pa 6, elyo Galatia 1:1 ukufika pa 4, Ndekabila ukubelenga Amalembo yamo. Nomba mu Galatia 1:1 ukufika pa 4, “Paulo, umutumwa,” lolesheni ukuleka bwangu. *Umutumwa* cipilibula “uwa tumwa,” nangu, “minshioni.”

*Paulo, umutumwa, (te wa bantu, nangu uwa muntu, leelo... Yesu Kristu, na Lesa Taata, uyo uwamu bushishe ena ku bafwa;)*

*Kabili na bonse aba bwana nyina abo abali pamo na ine, kabili naku calici ya mu Galatia:*

*Ukusenamina kube kuli imwe no mutende ififuma kuli Lesa Taata wesu, na Shikulu Yesu Kristu,*

*Uyo uwaipela umwine eka pamulandu wa membu shesu, ukuti ena enga tupususha ifwe ukufuma kuli ili sonde ili bifi, umwabela ubufwayo bwa kwa Lesa... Taata:*

*Kuli ena kube ubukata ubwa muyayaya no muyayaya. Amen.*

28 Nomba, mwi Buuku lya Cibili ilya bena Kolinti, chapitala 4, kabili twalabelenga ukufuma pa 1 ukufika ku 6, ba versi.

*Eico pakumona ukuti tuli nobu ubupyungishi, nga fintu itwapokelela uluse, tatunenuka iyo;*

*Lelo twalikana ifintu ifyafiswa ifyabulamo icishinka, nokukana endela mubucenjeshi, nangula ukwikata i*



*cebo cakwa Lesa bufi bufi; lelo ukupitila mu kusokolola icine ukuishininkisha fwe bene kuli kampingu wa muntu onse ku menso yakwa Lesa.*

*Lelo nga cakuti imbila nsuma yesu yafiswa, yena ninshi yafiswa kuli bena abo abaluba:*

Nga nshiletelemo ukulingilwa kabela, ninshi Nshishibe icinga letamo.

*Muli abo lesa wa mwi sonde limo a paofwisha amano yaabo abasha cetekela, epali ulubuuto lwa bukata bwa mbila nsuma yakwa Kristu, uwaba icipasho cakwa Lesa, lwa bengeshima pali bena.*

Cimo nga fintu cali kwibala Iya Edeni, “Bafumyenimo bena, epali bena bakumya cilya Icimuti.”

*Pantu ifwe tatushimikila pa lwesu fwebene, lelo nipa lwakwa Yesu Kristu Shikulu; . . . palwesu fwe babomfi benu pa mulandu wakwa Kristu.*

*Pantu Lesa, uwa ebele ulubuuto ukubengeshima ukufuma mu mfifi, aali bengeshima mu mitima yesu, kabili nokupela ulubuuto lwa kwishiba ubukata bwakwa Lesa pa cinso cakwa Yesu Kristu.*

<sup>29</sup> Ameni! Ifyo efya belenga i Cebo! Nomba, ifyalembwa fyandi luno lucelo, ni: *Lesa Wa Ino Nkulo Iya Bipa*. Nga fintu ifwe tubelengele mu Malembo, “lesa wa cino calo, ino iyabipa inkulo.” Nomba, ino Mbila isontelela ububi bwa yabipa inkulo ino, kabili caliba icalinga ukusemena iyi inkulo yabipa.

Kabili cili ico ine nacetekela ukuti yonse . . . ukuti Baibele yalikwata amasuko ku nkulo yonse, yalilembwa kabela mu Baibele, aya bacetekela muli ilya nkulo. Ndecetekela ukuti fyonse ifyo ifwe twakwata ukukabila fyalilembwa *Umu*, fifwaikwafye ukupilibula kuli Mupashi wa Mushilo. Nshile cetekela ukuti onse umuntu pe sonde alikwata insambu ukubika ukupilibula kwakwe ku Cebo. Lesa takabila uuli onse ukupilibula i Cebo Cakwe. Ena ni kapilibula Wakwe Umwine. Ena atile Ena kuti acicita ici, kabili Ena alacita ici.

<sup>30</sup> Nga fintu Nasosa imiku iingi. Ena atile, “Nacisungu akemita,” Ena asosele ico ukupitila pa milomo yakwa kasesema, kabili ena alimite. Tapali umuntu uwakupilibula ico. Mu kutendeka, Ena atile, “Nakube ulubuuto,” kabilikwena kwali. Tapili umuntu uufwile ukupilibula Ici. Ena atile, “Munshiku shakulekelesha, Ena akapongolwela Mupashi Wakwe pa muntu onse,” kabili Ena alicitile ici. Tacilekabila ukupilibula Ici. Ena atile, “Munshiku shakulekelesha, ifi fintu” (ifyo ifwe tulemona filecitika nomba) “ukwisa ba pano.” Ici tacilekabila ukupilibula ukuli konse. Cena calipilibulwa kale. Mwamona?

<sup>31</sup> Nomba, lolekesheni nomba ilyo ifwe tule sambilila i Cebo. *Lesa Wa Ino Nkulo Ya Bipa*, iyo intu ifwe tuleikalamo nomba.

Ico kuti camoneka iceni, iceni nganshi icintu, muli ino nkulo ya luse, ilyo, “Lesu alesenda abantu ku mulandu we Shina Lyakwe,” ukuti Nabwanga Wakwe, muli ino nkulo yabipa iyo ifwile ukwitwa inkulo ya bipa. Iyo inefye nkulo iyo “Lesu aleita abantu pamulandu we Shina Lyakwe,” ku luse, ukufuma, kabili itwa inkulo ya bipa. Nomba, tuli nokushininkisha kuli Baibele ukuti ino nkulo iyo Ena alesosapo. Ico cintu iceni ica kutontonkanyapo, ukuti muli ino nkulo yaba ngefyo, ukuti Lesu nomba ali nokwita Nabwanga Wakwe.

<sup>32</sup> Lolesheni, Atile, “abantu,” te “chalichi.” Mulandunshi? Libe, Cena citwa i Chalichi, lelo Ena kuti aita “abantu.” Nomba, ichalichi ku kumana kwa bantu abengi abafuma mukupangwa ukwapusanapusana. Lelo Lesu aleita umo pano. . . Ena tatile, “Nketa Methodisti, Babtisti, Pentecosti.” Atile Ena kuti aita abantu. Kuli finshi? Lyakwe Shina. Mwamona, abantu; umo ukufuma ku Methodisti, umo ukufuma ku Bapstisti, umo ukufuma ku Lutheran, umo ukufuma ku Katolika. Mwamona?

Lelo Ena aleita, te bumba lya mu chalichi, lelo, “abantu abe Shina Lyakwe,” aba pokelela i Shina Lyakwe, abakobekelwa mwi Shina Lyakwe, baleya ku bwinga ukuya mukupwa kuli Ena, ukuya sanguka icipandwe pamo na Ena, mwamona, ukupitila muku lingilwa kabela. Muntufye uusala na bwinga wa yana mu bwikashi, aali uwalashikwa ukuba icipandwa ca mubili wakwe. Eico, ico ni, Nabwanga wakwa Kristu akaba, kabili aba nomba, ukufuma ku kale, abalashikwa na Lesu ukuba icipandwa caulya Mubili. Mwamona? Oh, Amalembo yaliba aya kankala nganshi, ayaisulamo ubuci!

<sup>33</sup> Lolesheni, te fintu umuntu umo asosa, ifyo umo umuntu ifyo aita; lelo ifyo Lesu asalile ninshi umufula wa calo takulaba, kabili aleita aba abantu munshiku shakulekelesha; te kabungwe. “Abantu abe Shina Lyakwe.” Kabili ino nkulo ya bipa elyo Ena alecita ici, ino ine nkulo ya kubeleleka.

<sup>34</sup> Umulungu wafumineko, muli Mateo 24, yali inkulo iyaku beleleka pa nkulo shonse. Shonse inkulo sha bufi, ukufuma kwi bala lya Edeni, ukuya konse panshi, takwatala akuba inkulo iibebeleka nga ino nkulo. “Ba kasesema babufi bakema kabili ukulanga ifishibilo ne fisungusho, nga kuti cacitika ukubeleleka na balya bene aba Salwa.” Mwamona? Nomba, iya talalafye, iya konka umutande, imyuma nkonso ama chalichi, kabili ne fyakonkapo, ifya panga-abantu amasambililo ya bu kapepa, ico teti cicitike; Abasalwa teti ba poseko amano kuli ico. Lelo cena cili pamulu palya pepifye nge cituntulu. Ukushakofye ishiwi i Cebo cimo efyonse ufwile ukucita. Ukulaiwa kwa nkulo; inshita iyawama nganshi! Abena Kristu, konse konse, cenjeleni kuli ora iyo ifwe tuleikalamo! Lembeni, kabili belengeni, kabili kutikeni abapasako amano.

<sup>35</sup> Bushe ninshi Lesa engetila abantu ukufuma muli ino nkulo yabipa, I Shina Lyakwe? Umulanduabela ifi, ku mwesha Ena, Nabwinga Wakwe. Kwena ku . . . Ilyo Ena alangishiwa, uwa eshiwa, uwa shininkishiwa, ukushininkishiwa kuli Satana. Nga fintu cena cali kukutendeka, ifyo efyo cena cikaba ku mpela.

<sup>36</sup> Nga filya ulubuto lutampila mu mushili, lwena lulesa pamulu ukupitila mu fykulusenda, umweo waluko, lelo lwena mukushalikisha lwisa mukuba ulubuto lumo lwine fintu lwena lwali ilyo lwaingile mu mushili.

Kabili munshila imo ine ulubuto lwa kubeleleka lwaponene mu mushili, mu Edeni, e nshila imo ine lwena lukushalikisha ukuba mu nshiku sha kulekelesha.

Nga filya i Mbila nsuma yali ilyo yena yaponene ku cilonganino ku Nicea, ku Rome, yena yashalikisha ukuba akabungwe akashaikulila nganshi.

Nga filya u Lubuto lwe Chalichi lwa ponene kunuma kulya, ne fishibilo, ifisungusho, kabili uwamweo Kristu pali bena, lwena lushalikisha mu nshiku shakushalikisha mwisamba lya bupuyungishi bwakwa Malaki 4, kabili ukubwesheshapo nakabili ku cakubalilapo Iicetekelo ico panshita imo capelwe.

<sup>37</sup> Twasanga nomba, ino nkulo ya bipa yakushininkisha, kuli Satana, ukuti Ena taba nga Efa, ukuti Ena te mwanakashi aba mu mibele iyo. Kabili Ena akeshiwa ne Cebo Cakwe, Nabwinga, nga fintu nabwinga wakwa Adamu bamweshe ku Cebo. Kabili nabwinga wakwa Adamu acetekete conse icipimfya ca Cebo, conse, lelo ukuba uwafulunganishiwa pali bumo ubulayo, ukuti, “Ena aba cimo cine mailo, ileelo, no muyayaya,” ileelo, mwamona; lelo afililwe pa bulayo bumo, mwisamba ye tunko lya mulwani, icinso ne cinso. Kabili nomba, abantu abo abetilwa i Shina Lyakwe, ifyo fine, ni Nabwinga Wakwe. Ena ali nokwisa mukukumana nakabili ku cintu cimo cine; te cishinka ca mucilonganino nangu cimo icintu, lelo conse i Cebo!

<sup>38</sup> Pantu, mukutendeka kwa Baibele, umuntu balimupele i Cebo cakwa Lesa ukwikalilamo. Cimo i Cebo, ica pilibulwa bubi bubi ku—ku muntu uwitwa Satana, mu muntu wa cinama icalaitwa insoka. Satana, muli uyu muntu, alelanda na Efa, kabili ukupilibula bubi bubi i Cebo kuli ena, kabili alubile. Moneni, Ici cifwile caba conse i Cebo.

<sup>39</sup> Pakati ka Baibele, Yesu aisa kabili nokutila, “Umuntu teti ekalile umukate weka, lelo kuli conse i Cebo,” ilyo Ena atunkilwe na Satana.

Nomba, Lesa aletweba apa munshiku shakushalikisha, ukuti, “Lesa wa calo cino akema munshiku shakushalikisha.”

“Kabili uyo onse ukalundako icebo cimo kuli Ici, nangu ukufumyako i Cebo cimo kuli Ici, icipandwe cakwe cikafumishiwapo mwi Buuku lya Mweo.”

Lesa abe no luse kuli ifwe! Kabili lekeni ifwe twienda nga malaya ya kosa, ififuba ifya tukuka, umutwe pamulu, uwaishiba fyonse, pantu ifwe pamo inshita imo twali mu kukanabela. Lekeni ifwe no kusenaminwa, kabili uluse, kabili nokumfwa mu mitima yesu ukulola kuli Lesa, mukuicefya ukwisa ku Cipuna ca luse.

<sup>40</sup> Icenii nomba, panuma ya myaka ikana limo ne myanda pabula ica kushimika Ilandwe, kabili nomba ena, iyo mibombebe ya calo, caliba icabipa ukucila munshiku ilyo nomba, ilyo Ena alipo palya. Imibombebe ya calo yalibapo iyabipa. Icalo cileya ku cikalamba inshita yapelekehako. Imwe mwalishiba ico. Shikulu alefikilisha i Cebo Cakwe konse konse.

<sup>41</sup> Mailo, ukwiminina... Ndesubila ulya umwaice umunono tale... Ena tacicite. Naishile no mukashi wandi, na Misisi Wood, Munyina Roy Roberson, pancende imo pano, Munyina Wood, twaliminine pano pa inono Youngstown Shopping Center, ukusenda i—i cipe ico Nkashi Wood akwete. Kabili pa... ilyo twaiminine palya, umwaume umwaice aishile pantu twali no kuilondolola umwine eka, kabili umuntu uushaishibikwa kuli ine. Naumbi umulumendo aishile pantu twali kabili nokutweba ukuti bena bafuma nga teku Alabama, Georg... Ndecetekela niku Georgia, pantu Nalibepwishe bena nga cakuti bena balishibe Munyina wesu Welch Evans. Kabili twa lanshenye pali ba miniti banono. Kabili ilyo Naile ukuya, uyu umulumendo alindoleshe. Ilyo ulya umbi umwaice umulumendo no munono wakwe baendele ukufumapo, uyu umulumendo andoleshe. Ena atile, “Icintu cimofye Ndefwaya ukusosa.”

Natile, “Bushe—bushe walicetekela? Bushe uli mwina Kristu?”

Atile, “Iyo, mukwai.” Atile, “Ine na . . .”

<sup>42</sup> Ine teti nsofeye ishiwi ena asosele apa, lelo ena kwati nalimo ena aliko panono nefipusho. Namwipwishe pa fintu fyakwa Malaika wakwa Shikulu ukumoneka. Kabili atile alyumfwilepo palwa ici, lelo tatalile ayapo ku chalichi kunshita yakunuma, ili ichalichi. Natile, “Bushe naucetekela Ici?”

Atile, “Ee, mukwai.” Atile, “Na—Na letamba cimo icintu.” Atile, “Abantu balanjeba palwa kusobela ne fintu, kabili Naumfwile pali tepu ukuti walisobele ifyo California akesa kwata imilale ukufumako nga filya.” Kabili atile, “Ilyo Namwene ico mwi pepala lya kubelenga, nomba Nacetekele ici.” Atile, “Ndeisa ileelo nangu mailo,” ico cili ni leelo, “panshita yandi iyakubalilapo.”

Natile, “Shikulu akupale, we mwana,” kaibili natampile ukuposha ukuboko kwakwe.

Atile, “Lelo Ndefwaya ukusosako cimo icintu kuli imwe, mukwai.” Ena atile, “Naliba uwaluba ngo kuluba kwingaba.” Atile, “Ndi ikobili mu lupili lwa mucanga, ukuluba!”

43 Natile, “Lelo taufwile ukwikala muli iyo nshila. Pali Umo umuntu uwiminine alipano nomba Uwinga kusanga miniti iyo waipekanya uku sangwa.”

Ena atile, “Ninjipekanya.”

Natile, “Kuti wakonteka umutwe obe?”

Atile, “Nshili nensoni.”

Teicofye ceka, lelo afukeme panshi, mulya muncende yakwimikamo imyotoka, pa cinso ca bantu bonse. Abantu pa musebo balemutamba. Palya twapepele nao ena, mpaka apela Lesa umutima wakwe. Aishile pantu twali, u mubembu; aifuminapo ukuya, umwana wakwa Lesa. Ena aishile pambali ya motoka, uwafwa; kabili ukufumapo ukuya, uwamweo.

44 Natile, “Icishiba cikaba icaisuka mailo.”

Kuli Akamfukumfuku kaisulamo no Mulopa,  
Ukufuma mu mishipa yakwa Imanuele,  
Nabo abalesambwamo,  
Balebuta tutu.

Natile, “Ima nokubatishiwa mwi Shina lyakwa Yesu Kristu, ukwita pe Shina lyakwa Shikulu. Lesa ali nokukwisusha na Mupashi wa Mushilo, kabili ukukupela ifi ifintu ifikalamba, kabili ukukupanga ukuti wacimona Ici.”

45 Bushe nicinshi ici? Icalo cileya ukusumbuka ukuya pamulu. Mulandunshi? Umupashi wa bu mpulamafunde, ukonaika kwa mibele isuma, bakapepa bwabu scienci, wacitungulula cena kuli “kasalanga wa fya lupato kabili ifya tapa ifuni,” ngefyo Baibele ya sosa. Lekeni tucibelenge ici, Ukusokolola 18. Nomba ilyo ifwe tuleisa mu kutampa icikomo, ifwe tusende Ukusokolola 18:1 to 5. Ndetontonkanya ukuti Nalicongapo mukulungama.

*Kabili panuma yaifi fintu Ine namwene malaiika umbi aika ukufuma mu muulu, nakwata na maka ayakalamba; kabili ne sonde lya butishiwe no bukata bwakwe.*

*Kabili ena abilikishe mumaka ne shiwi lya maka, (nomba imwe mwe bantu bakwete ifiloto) . . . ukutiila, Babiloni mukalamba na pona, na pona, kabili aba ubwikashi bwa fiwa, kabili icaikatililwa camupashi onse uwabipa, . . . kasalanga wa cuni conse ica kowela kabili icapatwa.*

*Pantu ifyalo fyonse na finwako ku mwangashi wa cipyu cakwe (chalichi) ubulalalale, kabili ne shamfumu sha pesonde nashi cita ubulalalale pamo nankwe, kabili naba makwebo aba pano isonde nabakwata ifyuma ifingi ukupitila mu bwingi bwa fya kulya ifisuma.*

*Kabili Ine naumfwile ishiwi limbi ukufuma mu muulu, lile tiila, Fumeni mukati kakwe, mwe bantu bandi, ukuti*

imwe *mwikumako ku membu shakwe, . . . ukuti imwe mwipokelelako ifikuko fyakwe.*

*Pantu ulubembu lwakwe nalu fika mu muulu, kabili Lesa naibukisha amampulu yakwe.*

<sup>46</sup> We kusoka we! Ico caposa icalichi bwino bwinofye ukubwekela ku Kusokolola 3:14, ku nkulo ya Laodekiya, bumpulamafunde; ubwacine bukapepa, lelo bumpulamafunde. “Iwe, pantu usosa ukutila, ‘Twalinonka, tatwakwata ifyakukabila nangu fimo,’ bushe tawaishiba ukuti uli ubwamba, uwabulanda, impofu, kabili tawaishiba ico.” Umwabula icilubo na Malembo ya ino nkulo, te Malembo ya nkulo ya muli Danieli, te ya bantu ya mwishina lya . . . munkulo yakwa Noah, lelo muli ino iya kushalikisha, iyabipa inkulo.

<sup>47</sup> Lolesheni apa, “Uli ubwamba.” Leken i co cingile mucine mukushika. Nalishiba kuti Nakwata ukukana suminishiwako ukwingi kuli ili tontonkanyo, lelo cena califika ku ncende iyakuti umwina Kristu alefilwa nokufuma mu ng’anda yakwe kabili no kukana letwa mukubapo kwa ino nkulo yabipa, ku banakashi abashafwala ukufikapo.

<sup>48</sup> Mwe banakashi, Nalasosa ici, kabili Ndefwaya ukuti mukutike. Kabili, mwe baume na banakashi, kuti mwakana suminishako neci, lelo Nitungululwa ukusosa ici. Bushe mwalishiba, onse umwanakashi uwaifula mumusango ngo yo tali muyalungama amatontonkanyo? Bushe namwishiba, ena ali, nga cakuti acicetekela ici nangu iyo, nangu taletontonkanaya ati tali, ena ni cilende? Nangu umwanakashi engeminina nokuboko kwakwe kucinso cakwa Lesa no kulapa ukuti ena tatala kumishwapo no mwaume umbi kanofye umulume wakwe, kabili ico kuti caba icacine icishinka, lelo ena ni cilende. Yesu atile, “Uyo onse alolesha pa mwanakashi noku mukumbwa ena ninshi nacita nankwe ubucende kale.” Kabili umwanakashi kuti aba . . .

<sup>49</sup> Mwamona, ena ali “ubwamba,” Baibele yalisosa, “kabili taishiba ici.” Umupashi umusubile ukucita ifya musango uyo ifintu wali bipa, umupashi wa bucilende. Ena ukumoneka kwa kunge, umubili wa buntu bwakwe, umunofu wakwe, ena kuti aba uwabusaka. Ena teti acite ubucende nangu bumo, kabili ukulapa kuli Lesa nokuba icishinka, ukuti tatala, lelo umupashi wakwe bwabu cilende. Ena alipofushiwa nganshi ku li lesa wa cino calo cama fashoni; aleifwika bucende bucende no kufuma kunge kulya.

<sup>50</sup> Ubushiku bwafumineko, Muniyina Wood na Ine twalebika ubwato bwesu mu mumana. Nali nokufumako ukufuma ku ng’anda ba miniti banono, ukuya pamulu palya pa mumana. Kabili konse iwe waya, abanakashi natulya utu sakatu twa . . . utwitwa utuputula twa kusambilamo insamfi nangu cimo icintu, ukuikupa bena. Ici cansoni. Umwanakashi teti abe

mukutontonkanya ukwalungama no kufwala icintu conse icapala ngeco. Ena alikatwa no mupashi wa bucilende. Nomba, iwe ukaya pwishanya ico na Lesa, namaayo, pantu iwe ukasanga ubushiku bumo ukutila ico Cishinka.

<sup>51</sup> Bushe kuti iwe, na maayo, mukwishiba ifyo umubili obe waba uwashila, kabili uku usha pambilibili palya kuli filya ifyalunkumbwa, ifibembu ifiwa ifyenda pa misebo ya buno bushiku? Nga abana bakwa Lesa bonse bacili abana bakwa Lesa, umulume obe aali umwana wakwa Lesa, nga kuti akuleka wafwala ifyakufwala nangu ukukusha iwe. Nga umwaume aali umwana wakwa Lesa, ena teti ope icintu icaba ngefyo. Mwamona?

Mwatila, “Iwe ulepa- . . .” Iyo.

Ndemweba Icishinka, kabili ubushiku bumo ukacikumanya Ici. “Uwabwamba, umucende; kabili tawacishiba ici.”

<sup>52</sup> “Oh, Ndelapa ukuti Nshatalile angonaula imilapo sha mulume wandi.” Umulume obe akakupingula palwa ici nga walicicita. Lelo Lesa akakupingula pa musango wamupashi ukwete muli iwe; takakupingule pa mubili obe, lelo pa mupashi obe, ulya umuntu wamukati.

<sup>53</sup> Umuntu wakunse ena muntu wabuntunse uyo ukontololwa na mano mutanda . . . nangu amano yasano, ntiile. Umuntu wamukati ena muntu wabumupashi uyo ukontololwa na mano yasano; kampingu, na ukutemwa, nefyashala. Umuntu wakunse; kumona, ukumfwa, ukumfwa, ukununsha, ukukutika.

Lelo mukati ka mupashi mwaba umweo, kabili ici citungululwa na cimo icintu, ubufwayo bobbe ubwakuitemenwa. Kutu wa suminisha ifyo ciwa asosa nangu ukusuminisha ifyo Lesa asosa. Kabili ico ecile langisha ifyo umupashi uli mulya. Nga Mupashi wakwa Lesa, Uli noku lya pa fintu fya kwa Lesa, kabili Wena tawakulalya pa cintu ici conse ica mu calo. Yesu atile, “Nga watemwa icalo ne fintu fya mu calo, ni pamulandu wakwebati icitemwiko cakwa Lesa tacaingila mucipandwa camukati.” Satana alimibeleleka imwe. “Kabili umuntu takekalile pa mukate weka, lelo pali conse i Cebo icifuma mu kanwa ka kwa Lesa.”

Lolesheni nomba, twasanga ukutila ena ali “ubwamba,” uwatapa kabili uwa bula ukufwala.

<sup>54</sup> Kabili isonde lilemoneka ukuba munkulo iyabipisha ukucila ifyo lyena lyabapo. Tacatala citikapo mu nkulo umo abanakshi baba ne ficitwa fya musango uyo, tacatala acicitika kanofye ilyo ukonaula kwa calo caliko ilyo ilyesi talilabako. Kabili Yesu asonatelele kuli ici. Twalafika kuli ico panuma ya kashita akanono.

<sup>55</sup> Bushe Lesa alilufya ukutungulula, nangu Alesuminishafye icakwafwa cimbi ukutungulula? Nde sunguka. Ilipusho ilya

cishinka nili, mukumona kwandi, kwaliba imipashi ibili ilwishanya mu calo ileelo, ilebomba. Nomba, teti kube ukucila pali ibili, ibili imitwe. Kabili Umo pali yena Mupashi wa Mushilo ulebomba; umbi umo mupashi wakwa ciwa, kabili, mu nshiku sha kulekelesha, mu ku beleleka.

Nomba Nala shintilila amatontonkanyo yandi apapenefye mufyashalako ifya lembwa, ifyashalako ifya. . . iyesu i Mbila.

<sup>56</sup> Imipashi ibili. Umo pali wena, uwakwa Lesa Mupashi wa Mushilo; umbi nao, uwakwa ciwa umupashi, ulebomba mu kubeleleka. Abantu ba mwi sonde nomba bale panga ubusalo bwabo.

Mupashi wa Mushilo uli pano uleita Nabwinga uwakwa Kristu. Ena alecita ici paku shininkisha i Cebo Cakwa ica bulayo kuli Ena, ica nkulo ino, ukulangisha ukuti Ici ni Kristu.

Ngo munwe ufwiwe ukusela muli ino nkulo, umunwe ukasela. Ngo lukasa lufwiwe ukusela muli ino nkulo, ulukasa lukasela. Nge linso lifwiwe ukumona muli ino nkulo, ilinso likamona. Mwamona?

U Mupashi wakwa Lesa, ngefyo Wena walikula ukuba iyapwililika imibele yakwa Lesa, enkulo iyo ifwe tuleikalilamo. Mupashi wa Mushilo uli pano uleshininkisha i Mbila ya nshita. Kabili Mupashi wa Mushilo alecita ici, icakuti abantu abacetekela Lesa bengetwa ukufuma mu cimfulunganya ici.

Umupashi uusha shila uwakwa ciwa uli pano uleita ichalichi lyakwe mucilubo, nga fintu cena caba lyonse, mu kupilibula bubububi ukwa Cebo cakwa Lesa, nga fintu acitile kukutendeka. Mwacimona ici cilebwelelafye ku nshita ya lubuto nakabili, ukufuma ku Edeni? Ici cili apa nakabili.

<sup>57</sup> Nomba, kunuma ukupita kulya, mulibamu-. . . shimbi inkulo, mwali ba mu filonganino, mwali ba mu *ici*, *ico*, nangu *cilya cimbi*. Bushe finshi fya citike ku mupeti wa filonganino? Wena uloma. U Mupashi waikalila ukuya no kutwalila, kabili Wena wisa muku ima mu Lubuto. Mwamona?

<sup>58</sup> Kabili ukweshiwa, ukwa bonse, kuya kunshila imo ine nga fintu cali mukutendeka. Lolesheni. Mwi—mwi, iyo, mwi laba ici nomba.

Nga Yohane, Wacimo Yohane 4:5 na 6, nga mulefwaya ukulemba ico, ena acibika ngefi, “umupashi wa kuluba.”

Efa tafuminepofye, mubufwayo bwakwe, ukutila, “Nsha cetekela muli Lesa.” Iyo. Cali cilubo ena acetekela.

<sup>59</sup> Satana tafune kabili nokutila, “Oh, ukuba, ico tacili nakuba i Cebo cakwa Lesa.” Ena alisumine ukuti Cena cali i Cebo cakwa Lesa, lelo ena abikilepo ubupilibulo bwakwe kuli Ici. Ubo, Lesa mukutambalala alibebele bena ukukana cita ici.



Bushe ici finshi cicita? “Ici cipanga ukukwata itontonkanyo Iya bufi, pakuti abantu bacetekele ubufi, kabili ukuba aba onaulwa kuli ici.” Nomba nga mulefwaya ukubelenga ico, Uwacibili Tesalonika 2:11.

<sup>60</sup> Nga fintu Nkwete, Amalembu ayanono pano, kabili tatwakwanishe ukuyabelenga yena yonse. Imo nomba kabili elyo, Nalamupela yena kuli imwe. Nga ici cimoneka iceni, ukuti mulecipusha nangu icintu cimo, kabili ifwe kuti twalemba ici kabili ukubelenga ukuti ci—ci miwamine.

<sup>61</sup> “Ukupanga itontonkanyo ilikalamba ilyabufi,” nga fintu Baibele yasosa ukuti ici kuti caba, Uwacibili Tesalonika. “Nomba, uyu umuntu wa lubembu kuti aisa mukuba, kabili ukwikala mwi tempele lyakwa Lesa, ukuilangisha uwine eka nga Lesa, kabili ukuleka abantu ukuya mwitontonkanyo ilikalamba ilyabufi, ukucetekela ubufi; kabili ukucetekela ici, bakonaulwa kuli ici.”

Ico e cintu cimo cine acitile kuli Efa. Mupele ena... Ta—ta mwebale ena ukutila i Cebo tacali icalungama, lelo ukumupela ena itontonkanyo ilikalamba ilya bufi, ukulenga ena acetekela ubufi.

<sup>62</sup> Umupashi we tontonkanyo ilikalamba ilya bufi lyakwa ciwa. “Ifiwa nomba filebomba mu bana ba kukana bela.” Ukukana bela ku nshi? Bushe finshi abana ba shino nshiku bashibelako? Nga fintu Efa aali, ku kutendeka, ica cishinka i Cebo cakwa Lesa. Ico nacilungama. Nomba nga kuti mwafwaya ukusenda ico... .

Lekeni tukupukule kuli ici, abena Epheso 2, ka minitifye kanono, pantu cilemoneka bwino ukuti ifwe... . Nalaleka pali miniti imo, nga imwe muli mukwangufyanya ukukalamba, kabili ukubelenga yamo pali aya. Epheso 2:1 ukufika ku 2.

*Kabili imwe mwebo ena a cincimusha, mwebali panshita imo abafwa mu filubo fyenu ne membu:*

*Umo imwe mwaendele munshita shakale umwabelo bwikashi bwa calo cino, umwabele amaka yafimulopwe ifya mu lwelele, umupashi uyo nomba uulebombela mu bana babucintomfwa:*

<sup>63</sup> “Abana abashibela.” Kabili nga mulwisha kristu, ukutampa kulya mu bwaice bwa kukana bela, bushe cikaba cinshi ilyo cena cikafuma mu muntu wakwa mulwisha kristu? Efyo cena cikaba ica kubeleleka! Miku inga ukukwata amaka ya kubeleleka kuti u—u mukulu engapela ku calo, ukucila umwana umunono! Kabili atile, “U mupashi we—we tontonkanyo ilikalamba ilya bufi nomba ililebomba mu bana abashibela,” aba shibela i Cebo. Lolesheni. Nomba Ndefwaya ukwikala pali ici miniti imo, “abana abashibela,” umwana.

64 Bushe mwalishibe, imwe, ukutendeka kwenu, Ine kuti nashininkisha ukupitla mu Cebo cakwa Lesa ukuti imwe, umuntu uuli onse muno, mwali no mweo muli ba wiso-bawishi waba sokulu. Kabili ba wiso-ba wishu waba sokulu, imwe mwalipangilwe panshi kuli ba sokulu, nomba kuli ba wiso kabili nomba nimwe. Mwalishiba ico?

Baibele yasosa ukutila, Ndecetekela ni mu ba Hebere 7, ukuti Melchisedeci, ilyo Abrahamu afumine mukwipya ishamfumu, “Abrahamu alipile Melchisedeci icekumi pali fyonse eflyo asendele ku nkondo.” Kabili pano Paulo aletila nomba, ukuti, “Levi, uwa pokelele icekumi, ali nomba... Alilipile icekumi, pantu ena aali mu musana wakwa Abrahamu lintu akumenye Melchisedeci.” Eico fyonse fintu Abrahamu alecita, nomba twasanga ukuti Levi ali muli Abrahamu, uyo wali wishu-wakwa shikulu wakwe. Abrahamu aflye Isaki; Iaski aflye Yakobo; Yakobo aflye abafyashi ba baheberu, Levi.

Nomba, elyo, mwamona, apa caisa mu kumoneka ukwawamisha, ukulingilwa kabela.

65 Nomba, muli ishi Mbila, Ndefwaya uku—uku—shikonkomesha ifi fintu ifyo Mwebu mu Mbila, palwa Lubuuto lwa cungulo kasuba ulu Lesa atile lukesu pali lino isonde.

66 Kabili lolesheni, nomba, “Iciswango icali nokwisa pe sonde, ukuti cikabepe bonse abo amashina tayabikilwe mwi Buuku lya Mpanga ilya Mweo, iyaipeiwe cibe umufula wa calo taulabako.”

67 Mu kutontonkanya kwakwa Lesa; Lesa, umukalamba u Mupashi. Mu kutendeka, ilyo takulaba ukutendeka, Ena aali ni Lesa, kabili bushe mwalishibe ukuti mwali muli Ena lilya? Nga uli mwina Kristu nomba, wali muli Ena lilya.

Kabili nomba, nga ico kuti cabefyo, Bulesa bonse ukulengwa mu Muntu bwakwa Yesu Kristu. Kabili nomba ilyo Yesu afwile pa musalaba, Ine nafwile nankwe Ena, pantu Ine nali na Ena lilya; pantu Ena aali umwisulo wa Cebo, icalangishiwa, ukwishiba ukuti ifwe kuti twalangishiwa inshita imbi. Kabili twali ku Kalbale na Ena. Twaile ku nshishi na Ena. Kabili twabukile nao Ena na mukututubuka Kwakwe. Kabili nomba twalinina, ukupitila mu Mupashi Wakwe, ku Cipuna ca luse, ukwikala pamo mu ncende sha mu Myulu muli Kristu Yesu. Lyonse!

68 Pantu ulubuto lwa mweo wa cifyalilwa naluleta panshi, ukupangika ukufuma kuli wishu ukuya kuli wishu, kuli wishu, kuli wishu, ifyo fine eflyo u Mweo wakwa Kristu upangwa.

Ulya emulandu Lesa abomfeshu u Mupashi wakwa Eliya imiku isano iya pusana pusana. Bushe cinshi ici? Ici kupela ukuya panshi.

69 Nga fintu umweo obe uwa cifyalilwa ne fishibilo fipelwa panshi ukufuma ku kupanga kuli ba wiso, ifyo fine eflyo Mupashi

wakwa Lesa, uyo uwalingilwe kabela cibe umufula wa calo taulabako.

Kabili ilyo conse i Cebo cakwa Lesa, mu kupwililika, ca imikwe mu mubili wa muntu uwitwa Yesu Kristu, mulya Lesa alengele ndipile pa membu shandi, muli Ena mulya. Nomba Ena alinjimishe, ukunjimya pamo na Ena, mukututubuka. Kabili nomba natwikala na Ena, no bulamba namaka ukucila conse iciwa. Oh, nga kutifye wacetekela ifyo Lesa apela! Lelo nga nawikala pano, tawacikwata ici. Kabili iwe nga nawikala apo, kabili tawacetekela ici, kabili na umfwa umwensu ukusela, tawakacibomfye ici. Lelo nga nawikala apo, uli nokucibomfya ici, pantu walilashikwa ukucita ifyo ucita.

<sup>70</sup> “Farao,” kumbali imbi, “akushiwe ku mulandu uyuwine,” Baibele yatile, ukuba Farao. “Yuda Iscarioti akushiwe ukuba umwana waboni.”

Nomba lolesheni ifikalamba Ifishinka ifyo tuleisa mukufikako.

<sup>71</sup> Nomba twamona ukuti ichalichi lyalikene ukupokelela i Cebo cakwa Lesa ukuteka pali bena, kabili ba pokelele Baraba mucifulo caciko. Nomba, nga mulefwaya Ilembo palwa ico, ni Mateo 27:15 ukufika 23. Bushe ici nifinshi ca citile? Cifulo nshi ici cacitile? Nomba tontonkanyeni pali ici. Ilyo icalo ca chalchi, mu mweo wa kabungwe kaciko uwa bulungami, abashila abantu, nga fintu bena bamwene ukuti baliba, kabili bali ico mu menso ya bantu, bena batanike Yesu, kabili nokusosa, “Tatwakwate uyu Muntu ukututeeka.” Kabili Yesu aali mwisulo wa Cebo cakwa Lesa. Iyacimo Yohane 1, yalilondolola ici. Kabili bena batile, “Tatwakwate ici Cebo cakwa Lesa ukututeeka.” Nomba, Ena aali Cebo, lelo amenso yabo yali ayapofula kufyo Ena aali. Pantu Aali ubwa tonta ubwasuko ku busesemo ubo ubwali nokwisa citika muli Ena.

Nomba, ifwe bonse twalicetekela ico, pantu tulelolesha kunuma ukuti tumone ici citike. Nomba icalo nga kuti cacita ico, ico ni nomba, ino nkulo iya bipa tulimo, ico nga cali kunuma pa nshita ilya, bena kuti bacita cimo cine bena balecita ileelo, pantu ici cicili i Cebo cimo cine, palwa ino nkulo, ukwa lelangishiwa. Ena ali nokocicita ici. Bena teti bacite cimbi icintu. “Bena bana bakukanabela.” “Balipelwa itontonkanyo ilyabufi iliikalamba, uku cetekela ubufi, kabili ukuba aba onaulwa kuli ico.”

<sup>72</sup> Lolesheni ilyo icalo ce chalichi cakene ukupokelela Yesu, i Cebo, uwalangishiwa pali bulwa bushiku, pantu (mulandunshi?) bena bacipilibwile munshila imbi. Lelo bena balingile ukwishiba ukutila Ena aali cilya i Cebo, pantu fyonse ifyo Lesa asosele ukuti Ena kuti acita, Ena alicitile ici. Kabili Atile kuli bena, “Fwayeni mu Malembo ya ino ora; kabili nga Nshikumanishe ififwaikwa pafya soselwe pallwa Ine ukucita, ninshi mwi Ncetekela.”

Bena batile, “Ifwe twacetekela Mose.”

<sup>73</sup> Atile, “Nga cakuti mwacetekele Mose, nga mwali Ncetekele, pantu Mose asosele palwa Ine.” Kabili nanomba bena tabacimona ici. Lesa ulya wine uwa ku Muulu ukufwa pa musalaba, kabili ukusosa yamo yene fimo fine ifyebo kasesema asosele ukuti Akasosa, kabili nomba taba cimwene ici. Mwamona?

Bena tabali uwa musango Wakwe. Bena tabali i Cebo, tabali i Cebo; kabili bena, lelo, bena bali—bali aba bukapepa nganshi. Lelo bena tabali i Cebo, pantu Cena—Cena nga calikwete icaishibikwa icifulo Caiko ica ora ilya.

<sup>74</sup> Lolesheni ifyo yawama Amalembo yakakana pano mu nkulo yonse. Lolesheni nomba.

Kabili ilyo icalo ce chalichi cakene ukukwata i Cebo cakwa Lesa uku batungulula bena, bena bapokelele kepaya, Baraba. Ici cacitile finshi? Ici casansabike Satana, lesa wa ino nkulo iya bipa, pa ncende apo ena afwaya lyonse ukuba.

Nomba kutikeni. Pantu, Satana ta soselwapo ukuba lesa uwa nkulo imbi kano ino ine inkulo. Tasoselwepo ukuba lesa wa nkulo yakwa Noah. Tasoselwepo ukuba—ukuba lesa wa nkulo yakwa Mose, lesa wa nkulo yakwa Eliya. Lelo, ino nkulo iya bipa, ena ali ni. . . Oh, mwicipusa ici! Ena ni lesa wa ino nkulo ya bipa, ukupepwa ku mintapendwa kabili imintapendwa iikalamba iya bantu, kabili bena taba cishiba ici. Lelo lekeni Amalembo yamu fimbule ena luno lucelo, kabili lekeni tumone, nomba mwa laishiba. Lekeni Amalembo. . .

<sup>75</sup> Nga mu misonkano ya ku lingulula, ilyo Mupashi wa Mushilo wisa pa Cebo Cakwe kabili Ena aita uyu muntu nokutila, “Tawakwata incito ukwikala na umbi uyu umwanakashi. Finshi wacitile filya, imyaka yapitapo ikumi limo, ilyo iwe wabutwike no mukashi wa ulya umwaume?” Bushe Ena finshi alecita? Ukumukupukula ena, ukumufimbula Satana, uyo uwa lenga umwaume ukukakwa, nangu umwanakashi uwikala na umbi umulume wakwa namayo umbi, nangu imembu shintu bena bacita, ifintu ifyo bena bacita. Bushe ici finshi cicita? Ukumufimbula ena.

<sup>76</sup> Ba dokota balasenda ifibombelo nokweshwa ukumona icilubene. Bena teti bacicite ici. Ifwe teti tusose. Lelo nomba Mupashi wa Mushilo alafuma nokusokolola ifyo aba, kabili ukumufimbula. Mwamona? Ifyo efyo i Cebo cakwa Lesa caba. Cena Lubuuto ulusanika mu mfifi.

Kabili ilyo wapanga icongo mu muputule, ici cilomfwika icaishibikwa; icisakatu ca cintu cilebomba, kabili iwe tawishibe ifyo ico caba. Asha inyali, mukwangufyanya. . . Utusense ng’anda, impemfu, shena—shena shana sha mfifi. Kabili ilyo inyali yasanika, shena shilasalangana ukuya.

“Bena balifumine pali ifwe pantu bena tabali bamo pali ifwe,” Baibele yali sosele. Mwamona? Bena teti bekale mu Lubuto lwe sonde. . .Pantu, Lesa waku Muulu ali tuma u Lubuuto Lwakwe muli shino ishampela inshiku, ukuti Abutishe inshila ya bana Bakwe, ukuti teti bena bende mu mfifi no kuipununa, lelo ukuti bena bengenda mu Lubuuto ulwa ku bengeshima kwakwa Yesu Kristu, uwaba cim cine mailo, ileelo, kabili no muyayaya. Ameni!

<sup>77</sup> Lolesheni, Satana tetwa lesa wa nkulo imbi lelo ino nkulo. Ici cali ica kukabila cakwe ukuba nga Lesa, ukufumafye ku kukutendeka.

Lekeni tubelenge ico. Twalasendafye inshita yesu. Lekeni tubwelele kunuma ku. . .Mwamona, Nalililemba ili, Esaya 14. Lekeni tubwekele kunuma apa kuli Esaya 14, minitifye imo, kabili ukumona ifyo Lesa asosa. “Ulya lesa,” ifyo Satana acitile. Esaya 14:12 na 14. Lolesheni.

*Ifyo wapona ukufuma mu mulu, We Lusifa, umwana mwaume wa macaca! nga wa poswa shani pano panshi, we wa nasha isha nko!*

*Pantu iwe mu mutima obe watiila, Ine ndi nokunina ukuya mu muulu, Ine ndi ku sumbula icipuna candi ukucila pa ntanda shakwa Lesa (abana bakwa Lesa, nomba): kabili Ine nkekala pamo pa lupili lwa lukuta, ku mbali sha ku kuso:*

<sup>78</sup> Cena cali bukabilo bwakwa Satana ukupepwa nga Lesa. Ena asendele fibili-pali fitatu ifiputulwa, fibili-pali fitatu ifiputulwa fya ntanda mu Muulu. Aininike umwine eka pamulu wa ntanda shilya, kabili ashimikile kuli shena, kabili ukubeleleka fibili-pali fitatu ifiputulwa pali yena. Imwe mwacimona ici? Cisuma. Lolesheni, ubo ebu fwayo bwakwe.

Kabili nomba ali uwaipekanya, no wa salwa bwino bwino, uwa sambilila nabwina ku mano yakwe umwine, mwamona, uwapentwa mu kubeleleka kwakwa, ku fikulwa ifikulu ne filonganino ifikulu, kabili naba penti ba kwishiba na masambililo ya bukapepa ne micetekele, kabili aba salapuka kabili abamana, kabili aba ishiba ukubelenga, ukubeleleka icalo conse, kabili ukusanguka “lesa.” Ifyo efyo acita. Fyonse fileya mukushalikisaha mu muntu wa mulwisha kristu, uyo uwa pelwa icilongwe kale “shimapepo wakwa Lesa,” kuli uyu uwatemwacalo, uwa bu scienci nabwina, uwa fwala ukuipulamika kwa mano ya masambililo, ukusambilia kwa bukapepa. Ena alipangwa uwa bukapepa nga ena, kabili na pakupilibula kwakwa ukwa Cebo cakwa Lesa nga fintu ena acitile kuli Efa, na fintu umwana wakwe Kaini acitile.

Nomba, imwe mutila, “mwana wakwa Satana?”

<sup>79</sup> Ndangeni incende imo muli Baibele umu Baibele aatilwepo umwana wakwa Adamu. Baibele yatile ena aali “umwana

wakwa ulya uwa bipa,” ulubuto lwa nsoka. Iyo, inkupiko yali fumishiwapo nomba, munyina. Pyramidi yalisulwa, nga fintu ubusokololo bwa langile.

<sup>80</sup> Lolesheni ifyo ena alacita, ama tontonkanyo yakwe. Ena amwene ukuti Lesa ekala mu kuemba kwa mu calo. Ena alicitile ico mu Muulu. Ulubembu talwatalile alwambila mwi bala lya Edeni; lwa ambile ku Muulu, ilyo Lucifer, umwana wa macaca, aisansabike umwine eka mu kuemba, kabili alefwaya ubwaemba ubufumu ukcila ubo ubwakwa Mikaele. Kabili atontonkenye ukuti Lesa aikele mukuyemba.

<sup>81</sup> Kabili lolesheni Kaini. Ena talefwaya ilambo lya mulopa. Ena aishile panshi no kupela icisabo, nangu—nangu amabala ya kuyemba pa cipailo cakwe. Aba bukapepa nganshi, ukucita fyonse, ifyo, ngafye bwino bwino ifyo Abeli acitile; apele ilambo, aponene panshi pa cinso cakwa Lesa mu kupepa, uwakubela munshila yonse, lelo ukwabula ubusokololo bwa Cebo.

Kabili i Cebo cali, ukufuma ku kutendeka, ubutantiko bwakwa Lesa. Lelo Lesa alisokolwele, ku busokololo, icintufye ico Ena ashininkishe kabili asuminisheko ukuti ico cali ica lungama. Te bukapepa, te cipailo, te kuba membala we chalichi, te kupanga ilambo, te kuba uwacishinka; lelo ni kubusokololo bwa Cebo cakwa Lesa. Lesa alesokolola kuli ena ukuti cena ni . . .

Nyina wakwe tasendele iapo ilyo insoka ya mupele ena, lelo ena akwete ukuluungana no muntu wakwa Satana, mu muibele ya namambi; te ciikula panshi nge nsoka, lelo iyacenjelesha pali shonse, icashupa ukucisanga mu mano muli yonse ibumba, mu cipasho ca muntu, icintufye cimo ico ulubuto lwinga sankanishiwamo. Nomba scienci ilesha ukumusanga ena. Kabili teti bena bamusange ena, pantu ifupa lyonse mu mubili wakwe lyalicinjishiwa. Lelo Baibele yalisosa ici ukuba ngefyo.

<sup>82</sup> Lolesheni ifyo uyu mwaume ali nokucita nomba. Uyu mwaume, “Ena ali nokwikala mwi tempele lyakwa Lesa,” emukutila, ichalichi, “ukuisokolola umwine eka ukuba Lesa.” Nomba nga mulefwaya ukubelenga ico, ni Iyabubili Tesalonika 2:3 kabili 4, kabili Ukusokolola 13:4, 11 na 12; uko basosele, bonse babili bakasesema, bonse babili Yohane na Paulo, pafyo ena akaba munshiku sha kulekelesha. Nomba mulabelenga ici, pantu Nincikwata panshi pano. Lelo Ine . . . ukusungako inshita nomba.

<sup>83</sup> Ubushiku tuleikalamo bwitwa, mu Baibele, “ubushiku bwa muntu,” ubwa muntu ubushiku. Buno tebushiku bwakwa Lesa. Lesa te lesa wa lino isonde; Baibele yalisosa ukutila Ena taba. Ena ni Lesa wa mu Muulu. Lelo buno te bushiku bwakwa Lesa.

Buno bushiku bwakusala. Kusalapo, ukwikalila ileelo, kabili ukufwa; ukusala Lesa, kabili ukwikala. Kabili Lesa e Cebo,

kabili i Cebo e Cebo icalangishiwa ica ino ora kabili buno bushiku.

<sup>84</sup> Lolesheni, “ubushiku bwa muntu.” Nga mulefwaya ukucibika ico panshi, Naciba nokubelenga ici. Lelo Abacimo abena Kolinti 5:1-5. . . Abacimo abena Kolinti 4:1-5, munjeleleko ine, Abacimo abena Kolinti 4:1 kabili 5, Paulo alesosa palwa kupingulwa ku muntu, mu bushiku bwa muntu.

<sup>85</sup> “Ubushiku, bushe mulandunshi bwena bwitilwa ubushiku bwa muntu?” eflyo mwingasosa. Bwena bushiku ubo ukubomba kwa muntu kwa katamikwa.

Moneni ifyo, fyonse ifya kulanda kwa mataki ukwa ba communisti, umo uumuntu ukwasha ukuleka umo umuntu ukufika ku mweshi. Lesa ale esha ukusenda umo umuntu ku Muulu. Mwamona? Lelo lolesha ifyo bena baleposa amamillionsi kabili amabillionsi yacilapo kabili amatrillionsi yacilishapo iya ma dola, mu maka yaonaulwa. Ilyo bena bafika kulya, tabali nokusanga nangu cimo. Bushe finshi filubene kuli bena?

Nshile sakamana pa mweshi. Ndefwaya ukupita umweshi mukwangufyanya icakuti Nshaka umone wena; ukukonkanyapo ukuya pa mulu. Ndefwaya ukupita Milky White Way, ukuya ukutwalililapo, ukukonkanyapofye ukuya. Ee!

<sup>86</sup> Kabili icalo ileelo cileipela icine ku fyakwishiba ifya ishile na Satana. Kabili ubushiku bwa muntu bwaliba ubwa katamikwa, te ku Cebo cakwa Lesa, lelo pa kwishiba uko ena akwata.

Nomba tontonkanyeni. Leken i ci cingile mukati. Kabili ilyo imwe mwalisha iyi tepu nakabili, palici icikomo apa, iminina pa kashita akanono kabili ukutontokanya.

Imilimo yakwe yasansabikwa ukucila i Cebo cakwa Lesa ne milimo ya langishiwa; amano yakwa Satana, ayo apele Efa ku kutendeka. Nomba kutikeni; mwipusa ifi. Amano yakwa Satana yali sansabikwa ku cipuna ca kupepa, mu muntu, pamulu wa ca shininkishiwa i Cebo cakwa Lesa ica ora. Ama chalichi yesu yalishininkisha ukuti ayabo—ayabo amasukulu ya bashimapepo, ama sukulu ya ku sambililamo, ifya sambililwa ukucila i Cebo cakwa Lesa caishiba palwa Ici, bena eflyo ba tontokanya. Kabili kulya, Dokota *Wakuti-na wakuti*, kabili Kafundisha *Wakuti-na wakuti*, kabili Profesa *Wakuti-na-wakuti* bali sansabika bena ukwishiba kwabo, icaitwa-ifyo (ukufuma kuli Satana) cine, pamulu wa bwa shininkishiwa ubulayo bwakwa Lesa, ubwapangwa ica umfwika bwino pacinsofye cabo bena. Kabili umuntu alacipokelela ici. Mwamona?

<sup>87</sup> Ifya bu scienci eflyo asanga paku bombesha, ukwasha ukushininkisha ukuti i Cebo cakwa Lesa calilufyanya. Tontokanyenifye pali ico. Ena, iyakwe, emukutula, amasambilisho yamipepele ne ficetekelo, ilondolola i Cebo cakwa Lesa ku bantu, kabili cipanga Ici ukukana kwata amaka

nakabili, nga fintu acikwete ici mu nkulo ya cilonganino ilyo Yesu amonekele pe sonde. Yesu atile, “Mweba bumbimunda! Imwe, ku fishilano fyenu,” ubo ebupilibulo bwabo, “mwalitwala i Cebo cakwa Lesa kabili ukucipanga Ici ukukana kwata amaka ku bantu.” Kabili ico ecimo cine icintu bena bacita ileelo. Ici tacakwata amaka.

<sup>88</sup> Lolesheni, “Bena,” abantu, “ukumusansabika pamulu wa fyonse ifitwa Lesa.” Bushe Iyacobili abena Tesalonika atila bena kuti bacita ici? Kabili amaka ya chalichi ya cilonganino, abantu ukucetekela cilya cilonganino ukucila ifyo bena bacetekela Lesa. Kabili Lesa e Cebo. Bena bacetekela amasambilisho ya mucilonganino pamulu wa Cebo, ici “sansabika ena pamulu fyonse ifitwa Lesa.” Kabili pabafye Lesa umo, kabili ico e Cebo.

“Fyonse ifitwa Lesa; eico ena nga Lesa ekala mwi chalichi lyakwa Lesa, ukushinkisha ukuti ena ni Lesa,” pantu ena alilenga abantu balemupepa ena. Lesa e Cebo. Kabili aisansabika umwine eka pamulu wa fyonse ifitwa Lesa. Kabili kwabafye Lesa umofye, kabili ukuti Lesa e Cebo. Mwamona? “Kabili fyonse ifitikwa Lesa,” ni, lesa wa nkulo ino ali isansabika umwine eka pamulu wa cacine, icashininkishiwa i Cebo cakwa Lesa. Iyo ni Uwashila Yohane 1. Mwamona? “Pamulu wa fyonse ifitikwa Lesa, ukutula ena nga Lesa aikala mwi tempele lyakwa Lesa,” na maka.

Lolesheni, kabili alatashiwa pali ici! Oh, lekeni abantu, Lesa, bamone uko ukubeleleka! Ali tashiwa pali ici, kabili mukuposako amano ukucetekela ku bantu ba muli ino nkulo iya bipa. Nomba bushe mulemona lesa naba bomfi bakwe aba ino nkulo iya bipa?

<sup>89</sup> Nomba lekeni tu loleshe ici cilelangishiwa. Ena atila alepanga icalo icawaminako icabo bena ukwikalamo, ku fya kwishiba kwakwe ukucila icishi-filwa i Cebo cakwa Lesa. Lelo ku kwisa pamo kwakwe, mu filonganino, kabili amasambililo, kabili amano, kabili ifya bu scienci, kabili na fimbiplo, alecipanga ukuba icawaminako icalo ukuti umuntu ekalemo, kabili ukupulula ubulayo bwakwa Lesa, ukuti inshita imo iyo icalo cikaba icayana ukwikalamo ni mwi Kana limo. Namwishiba, mu kucimona kwandi, alipanga icalo ukuwaminako ku kubembukilamo ukucila ukwikalamo.

<sup>90</sup> Lolesheni. Bushe alicitile ici? Alipangile ulubembu lwaba ulwasuminishiwa ku ma funde. Alipangile ukunwa ubwalwa bwa wiski ukuba ica suminishiwa ku mafunde, ukupeepa fwaka. Kabili mu ma chalichi, ukuleka ca suminishiwa ku mafunde umwanakashi ukuba membala we chalichi, ne mishishi ishipi. Nomba lekeni mwiminine pali miniti umo.

<sup>91</sup> Kuti afwala utuputula, ukupenta ku menso, kabili aba nanomba uwa mwibumba lyakwe ilya bakapepa, ico icili icapusana ne Cebo cakwa Lesa. Atila ukuti cili conse ica



lungama. Mwamona ukwishiba kwakwe? “Nga ico finshi cikwete ukucita no mwanakashi?” Cimo cinefye ngo kulya icisabo icabindwa, nangu te cisabo ica bindwa, ico efyo caba ici. Lesa atile tekucita ici, lelo ena acita ici.

<sup>92</sup> Kabili ena amucetekela, kabili amutemwa palwa ici. Apata Lesa. Imicitile yakwe ileshininkisha ukuti efyo acita. Atila ali Mutemwa, lelo atemwa Satana. Apepa lesa wama fashoni, lesa wa calo, ba lesa baku Hollywood. Alimutemwa ena, lelo alipata icacishinka i Cebo cakwa Lesa, uyo uwabafye uwacishinka Lesa uwabako.

Ukucisuminisha ici ku mafunde mu ma chalichi. “Tapali ubwafya. Abanakashi besu kuti bacita *ici*, *ico*, nangu cilya *cimbi*.” Lelo mu Kubapo kwakwa Lesa uwamweo, tasuminishiwa ukwisa, epali alelapila.

<sup>93</sup> Mwamona, ena ni lesa wakuyemba kwa mwisonde, ena aba. Alefwaya ukumoneka uwaemba. Kabili ni lesa wa kuyemba ukufuma kukutendeka. Ena kuti acita ici, kabili alisanga ifyo alekabila ku kwishiba kwakwe muli scienci ne fyakubomfya, ukupanga ukuyemba kwakwe ukwa, inkulo ya bakucimfyanya mu mimonekele. . . iyi nkulo yafyanomba, nangula, iyi bifi. Cena kuyemba kwa kupanga.

<sup>94</sup> Lolesheni. Ici cili icikankala ukuloleshiwa. Pa kutendeka, Seth na bana bakwe tabatalile abaya inshila yabu scienci.

Nomba tuli nokulanda pali scienci pali ba miniti banono. Nga Nasosa ifi, te kwelela ukukana ishiba kwandi; lelo, ibumba lya mafutu, iciliconse ici kana i Cebo cakwa Lesa. Mwamona? Mucine.

Ici cikankala. Lolesheni ici. Abana bakwa Seth tabatalile abaya inshila ya bu scienci. Bena bapanshi bakacema, abalimi, kabili nafimbipo.

Lelo abana bakwa Kaini balicitile. Mulandunshi? Ukusubwa kuli wishibo, ciwa. Kaini asubilwe kuli wishi wakwe, ciwa, kabili aba ba subilwe kuli ulo lubuto luleika panshi.

<sup>95</sup> Lolesheni ulubuto lwakwa Lesa luleikila ukupita mu nkulo yonse, kabili lolesheni uko lwena luleninika ileelo. Abena Kristu, abakubalilapo abena Kristu, tabali bonse pa fyakufwailisha ifya bu scienci na fimbi. Iyo. Miniti imofye, ifwe twalafika ukwingila muli ico.

Lelo Kaini alicitile ici, panuma ya cifyalilwa cakwa wishibo, ciwa, uwaisula ukwishiba kwa mu calo, ukuyemba, kabili scienci, na fimbi. Abana bakwa Kaini kwali ukwa bu scienci. Bena bali abasambilila. Bali bakalisha wa filimba—ifilimba fya nyimbo; uwanomba Elvis Presley, fimo pafyaifi ifya palako ifyo ibumba limona pa fye sukulu lileka filecitika pamulu pano mu musebo unono lyonse pa Cibelushi munshita ya bushiku. Bakakula ba musumba, ukuyemfya abanakashi pa

lunkumbwa lwabo, nga ciwa ukupela abanakashi penti, kabili ukuputula imishishi yabo, kabili ukubafwika utupula, kabili nafimbi ifyaba ngefyo. Bena, ciliko ku lwakwe ulwatapa ulunkumbwa. Ico caba ica tambalala, lelo Nshishibe inshila imbi iya kucilandilamo ici.

<sup>96</sup> Nomba, natwishiba ukuti imbila yakwa Satana ni mbila ya bu scienci no buyantanshi. Ena ashimikile mu Edeni; te Lesa; Satana acitile ici, scienci ya buyantanshi. Scienci no buyantanshi fyaba mu mbila yakwa Satana. Lolesheni uko atuletele ileelo, neci. Mwamona?

<sup>97</sup> Lolesheni, ashimikile ici mu Edeni, kuli bani? Kuli nabwinga wakwa Adamu. Kabili alicipokelele ici. Amubeleleke ukuti epushe cimo pa Fyebo fyakwa Lesa. Lekeni tumone fintu ena nalimo asosele. Ena nalimo atile, “Bushe tacaba ica bu scienci ukufwa, muli lino ilya mushilo ichalichi.” Nangu, “Iwe ukasambilila kabili uwaishiba ukubelenga, tekucetekela ifi ifyabulamo amano nge mfwa. Nshile sakamana ifyo i Cebo cakwa Lesa calisosele ici; ici cili icabulamo amano.”

<sup>98</sup> Oh, mulolesheni ileelo. “Lesa aba umusuma Lesa. Iwe uli mu chalichi Cakwe icamushilo; mulandunshi, iwe tekuti ufwe.” Lelo Lesa atile kuti mwafwa, kabili ico cilacipwisha ici. Mwamumona ena ileelo? “Oh, ubefye uwaikuma kwi chalichi. Te fintu iwe ucita, nangu *ici*, *ico* nangu *cilya cimbi*. Uleisafye ku chalichi kabili ukuba membala musuma, Ukuputula imishishi, ifyo fintu fyabulamo amano. Kabili ukufwala utuputula, kabili ukupenta pa menso, kabili nokuya kukushana, kabili ubwalwa bunono limofye nge nshita yapitapo, teti cikuletele ubwafya iwe, nga tautungulwile kulici. Mukukana pita kumbali, Ndekabila ukuti mwebana mwinga cisenda, icakuti bena kuti basambilila cibe naba citemwa nangu iyo.” Apa ali ena, lesa wa ino nkulo, ino nkulo ya bipa.

<sup>99</sup> “Lesa ni Lesa umusuma.” Nalyumfwa ico mpaka Nalwala. Lesa nakabili ni Lesa uubomfya amafunde ukupingula mubusuma kabili ukukanda. Ena te wafulungana umukote shikulu uwinga sunkwa ukumushingulusha, kabili Abakwe abeshikulu tabakwata ulubembu. Ena ni Lesa wa kubomfya amafunde ukupingula ukusuma no kukanda kabili uwamushilo. Alishininkisha ici mwibala lya Edeni, ku bana Bakwe abakutampilapo. Iwe wa toloka umushilwa, wa limo pa Cebo Cakwe, iwe naufwa. Cimo cine icintu ecabako ne leelo.

<sup>100</sup> Kabili lolesheni, ashimike iyo iyapala ifya bu scienci, ifya bwikashi bwa bantu, ifyabasambilila, iyakuya kuntanshi imbila kuli Efa, kabili nabwinga wakwa Adamu acetekela ici. Kabili alikwanisha mu kwisusha uyo uyo-witwa nabwinga wakwa Kristu, ichalichi cakwa Adamu wa Cibili, na fimo fine ifikansa. Ico nacilungama.

101 “Oh, ici teca—ici teca kwa Lesa; Lesa alibesha bwino ukucita ici. Mulandunshi, pakutifye imwe mulaya ku chalichi. ‘Nga wacetekela.’” Ciwa alicetekela; te baipanga-ukucetekela, lelo ena mucituntulu alicetekela. Ena tapusuka. “‘Nga wacetekela.’” Huh!

102 Ena aeba uwacibili nabwina, nangu Nabwina wakwa Adamu wa Cibili, cimo cine ico ena aebele uwantanshi. Ifyapala nga, “Nomba, ukuposhiwa kwa Mupashi, takwaba icaba ngeco. Ifwe kuti twa cishininkisha ico. Takwatala akuba umulandu uwashininkishiwa.” “Kabili ulu lubatisho mwi Shina lyakwa Yesu, nomba imwe teti mukutuluke ukuti Nakwata amaka ya chalichi?” ena asosa. “Twalicipwisha ico ku Nicea, ku Rome,” ilyo ilya itatau imipashi yakowela yaile ukufuma mu cing’wena, bakasesema ba bufi, kabili nafimbipo. “Twalicetekela ukuti kwaliba bu Lesa patatu.” Oh, palwa kuba bwino! Ico busenshi uwapelako. Mwilaesha ukwisa ku cinso cakwa Lesa ne cintu icaba ngeco, ukwisha ukwiminina mu Kubapo Kwakwe. “Oh, tacipanga ubupusano nangu bumo nga mwabatishiwa mu mashina ya ‘Taata, Mwana, Mupashi wa Mushilo.’ Bupusano nshi ici cipanga?”

103 Ici cilapanga ubupusano ubukalamba nganshi, mpaka Paulo aebele ibumba lyaba Baptisti ukuti bafwile ukubatishiwa nakabili mwi Shina lyakwa Yesu Kristu ilyo Mupashi wa Mushilo wingesa pali bena. Kabili noku panga ulya umusole ukubilikisha, kabili ukutila, “Nga malaika aisa ukufuma ku Muulu kabili ukwisa shimikila iciliconse cimbi, lekeni abe uwa tipwa.” Mucine, ici cilapanga ubupusano. Oh, owe!

104 “Takwaba icintu icaba ngo lubatisho lwa Mupashi wa Mushilo muli shino nshiku. Ico cali caba tumwafye epela. Ici calipita. Kabili ne cintu caba nga ba kaesema? Ici tacaishibikwa. Ifisungusho? Yena teya bu scienci. Malaki 4? Ico cali ca nkulo imbi. Yohane 14:12? Oh, Yesu tapilibwile ukuti nico. Luka 17:30? Oh, ico califye ka shimi ako abantu bamona kwati cishinka. Mwamona, ici—ici caliba icapilibulwa bubi bubi; ici tacali mu cakubalilapo.” We buwelewele!

Ilyo Lesa wa Maka yonse aikila pakati kenu noku cishininkisha ici. Ilyo Ena atila, ukuti, “Yesu Kristu aba cimo cine mailo, ileelo, no muyayaya,” Ena alashininkisha ifyofine. Nshilesakamana uyo uwa sosa ukuti teifo cili ici; Lesa Alapilibula i Cebo Cakwe. Atile Ena kuti acita ici cintu mu nshiku shakulekelesha. “Kukaba u Lubuuto munsita ya cungulo kasuba.” Kabili kuli u Lubuuto, palwa kulangishiwa kwa Mwana wakwa Lesa.

105 Akasuba kamo kene aka tula ku kabanga e kasuba kamo kene akawa ku mboshi. Kasesema atile, “Kukaba ubushiku ubo ubushaketikwe akasuba nangu inshita ya bushiku.” Ici cabulanda, amakumbi, nga pamulu wacinso cakasuba. Lelo

atile, “Munshita ya cungulo kasuba ku kesa u Lubuuto nakabili.” U Mwana umo wine! Ena ni Alpha na Omega. U Mwana umo wine uwa imine ku kabanga asobelwe ukwima ku mboshi nakabili, mu nshiku shakulekelesha, ilyo fye ubushiku tabula pwa. Nshishibe ifyo bena bacipilibula Ici. Lesa Alapilibula i Cebo Cakwe. Alacishininkisha Ici. Iyi ninshita ya cungulo kasuba.

<sup>106</sup> Ici cabulanda, lelo ena alicipokelela ici nakabili. Nabwina wakwa Kristu alicisuminishe ici, kabili ukusenda ukwamasambililo ukwishiba ukufuma kuli kashimikila wa kwi sukulu iya ba patili mucifulo cakucetekela icaabula ifiko, ica shininkishiwa i Cebo cakwa Lesa.

<sup>107</sup> Nomba ba kapyunga kunse uko mu calo konse uko muli, kuti mwakana ukusuminishako kuli Ici. Nshile mucena imwe. Nde eshafye- . . . Ndelanda kwi bumba lyandi. Nde eshafye. . . Nga mulefwaya ukwikalamo, Ndeba uwansansa ukuti mumfwe Ici. Kabili nomba mwaumfwa kuli Ici. Mwamona? Lelo Nde bebafye ifyo bena ba—ifyo bena bamona, kabili ukubalanga ici kuli bena; Lesa ukucishinkisha ici, ukuti ici cili icalungama. Mwamona?

Iyi e ora. Takabila nangu umo ukucipilibula Ici. Ukwishiba kwenu ukwa mucalo takwata nangu cimo. . . Imwe nalimo kuti mwakwata B.A., D.D., A.D., nangu icili conse efyo cena cingaba; ici tacilepilibula icintu nangu cimo. Lesa alapilibula i Cebo Cakwe, Umwine eka. Alilaile ici, kabili apa ici cili.

<sup>108</sup> Lelo ku kwishiba kwakwi sukulu kwa ba katungulula ba ma chalichi, ukushimikila kwa mu filonganino, “kwalipanga icalo conse ukululumba ukukonka iciswango ico icilonda cabipa capolele,” ukufuma ku fya busenshi ukuya ku fya ba papa. Moneni uko ena aleya kumulu? Alicicetekela ici. Alicetekela ukwishiba uko amweba ena.

<sup>109</sup> Efyo caba, nomba lolesheni, cili ukuti bonse banabwina bakobekelwa bacetekele ubwishibilo bwakwa Satana ukulwisha i Cebo cakwa Lesa. Nabwina wakwa Abrahamu acetekele ukwishiba kwakwa Satana ukulwisha i Cebo cakwa Lesa, kabili nabwina wakwa Kristu alicetekela ukwishiba kwakwa Satana, muli ino iya masambililo iya bipa inkulo, ukulwisha i Cebo cakwa Lesa.

Kabili lolesheni. Efa, mu mucifyalilwa, uwa cicetekele ici, kabili alobeshe onse umutundu wa muntu mu mfwa. Nabwina wa cifyalilwa! Adamu, umuntu wa cifyalilwa uwa pe sonde; nabwina wakwe, iylo ena talafika kuli ena, ukuti abe umukashi, alobeshe onse umutundu wa bantu mu mfwa. Nga cakuti cabu scienci nangu iyo, ifwe tufwafye cimo cine, pantu Lesa atile ifwe kuti.

Nga cakuti imwe muli mu Edeni ya mushilo, nangu ichalichi ca mushilo, nangu icilonganini ca mushilo, nangu icili conse ici cingaba, iwe ukafwa ubushiku iwe ukakana ukucetekela

cimo i Cebo ca Cebo cakwa Lesa ukuba Ichishinka, ilyo Ici cashininkishiwa kabili ukushininkishiwa kuli iwe. Ubo e bushiku uka ipatula ukufuma kuli Lesa. Te musela onsefye; i Cebo cimo. “Uyo onse aka lundako icebo cimo, nangu ukufumyako Cimo,” ubo e bushiku iwe ukafwa.

<sup>110</sup> Lolesheni, nabwanga wakwa Adamu alengele imfwa ya cifyalilwa ku mutundu wakwe, umutundu wa bantu.

Kabili nabwanga wakwa Adamu wa Cibili, nabwanga wakwa Kristu uwa kobekelwa, alilobesha ichalichi lyonse ku mfwa ya cilonganino, ukusenda ululembo lwa ciswango, kuli bu scienci, amano ya masambililo, ifikulu ifilonganino. “Ifwe tuli ba Baptisti. Ifwe tuli ba Presyterian. Ifwe tuli ba Pentecosti,” na fimbipo. “Ifwe twakwata *ifi* kabili twalikwata ifipe ifingipo. Ifwe, ifwe twalishibikwa ku buteko. Ifwe tulenda ukushinguluka icalo,” na fimbi ifintu ifyaba ngefyo. “Kabili ku bacilapo, naba kalamba ba musumba, kabili nafimbipo, ukwisa kuli ifwe. Na Bakateka balesa ukukwatilamo iminsa balandile naifwe, kabili ifwe twisa kuli *ici*, *ico*, nangu *cilya cimbi*.” Icalo conse cali lobela mu ya mupashi, iya cilonganino imfwa; ichalichi lyonse. Ena alifwa!

Imwe mutila, “Mwalisula muncende iikalamba.”

<sup>111</sup> Yesu atile, “Nga fintu cena cali mu nshiku shakwa Noah, ukomulya imyeo cine konse konse ya puswike, ifyo fine cikaba pakwisa kwa Mwana pakuntu.” “Mu nshiku shakwa Loti, uko batatu bafumishiwe mu Sodomu, pali bulya bushiku. . .” Nomba pali kale ibumba ilya fuma, ibukisheni. “Lelo, nga fintu cali ilya nshita, ilyo u Mwana wa muntu akasokolola.” Lolesheni we bushiku we, lolesheni umo tuleikala!

<sup>112</sup> Nomba alilenga icalo conse ukupokelela ubutungulushi bwa bu scienci ubwa butantiko bwa masambililo ayo Satana apela kuli ena mwisamba lye shina lye chalichi, ubutungulushi bwa masambililo, aya bu scienci. Nde cilangisha kuli imwe lesa wa cino calo.

Ilyo ena, Efa, akwete umwisulo wa Cebo cakwa Lesa mu kuboko kwakwe, nga alisndele i Cebo cakwa Lesa. Lelo finshi fintu acitile kuli Ico? Mucifulo ca kulolela ulubatiso lwa Mupashi wa Mushilo, lekeni scienci ishininkishe kuli ena ukuti Mupashi wa Mushilo walifye wa batumwa.

Mucifulo ca kuleka ubundapishi bwa Mupashi wa Mushilo uleya, ilyo afwile nomba ukulabusha abafwa kabili ukucita ifisungusho ifikalamba; aleka Satana, mwisamba lya butungulushi bwa baume ababukapepa, ukusenda i Cebo cakwa Lesa kabili ukweshwa ukusosa ukuti Ca imbi nkulo. Kabili alicicetekela ici.

<sup>113</sup> Ilyo, Baibele yatile, “Ifintu ifyo Ncita imwe mukaficita nafyo pamo.” Yesu aselele ico. “Kabiye ni mu calo conse no kubila llandwe lisuma ku cibumbwa conse.” Ifwe tucili ifibumbwa. “Ifi

ifishibilo fikamukonka onse cila umo pali bena aba kacetekela.” Alakana cila kapimfya ka Ici.

<sup>114</sup> Akana fyonse ifi shinga londololwa ne fya bu scienci, kabili alicinjishe Ici ku fya matontonkanyo ya mano ya masambililo aya Baibele; uko aba patili, aba mushilo abafyashi, abetwa-ifyo, uko ba shimapepo bakalamba, uko ba bishopo mukalamba, uko bashimapepo bakalamba abalolesha pa musumba, abalolesha pa cilonganino, kabili na fimbipo, babika ubupilibulo bwabo kuli Ici. Kabili Lesa alibasha bena, ukwikala palya, abafwa nga twelufu koloko.

Ifintu fya shalafye mu nshiku shakulekelesha li bumba lya banono ba Pentecosti ne bumba lya nyimbo aba punda ukufika apo bena benga pela, bale butuka pamulu-na-panshi, balelanda mu ndimi kabili ukubilikisha, “kabili ukukwata imibele ya bu lesa, lelo ukukana i Cebo ici lumbulwamo.” Bebeni uku batishiwa mwi Shina lyakwa Yesu Kristu; kuseka mu cinso cobe. Lelo, ukutila, Lesa aya alecipanga ici ukuba cimo cine, ukushininkisha i Cebo Cakwe ukuba ifyo fine.

<sup>115</sup> Lolesheni, icimuti ico Satana alengele Efa ukulyako, cali “icimuti ca busuma no bubu.” Cali icimuti ca sakanishiwa.

Nomba lolesheni pa bushiku tuleikalama, lintu Aleita Nabwinga ukufuma. Alikwata ichalichi ilitila lyena lilecita bwino, nelyo lyena lyaba ilibi, pa kukana i Cebo. Icimuti casanishiwa. Oh, batila, “Bena—bena balikwata abantu abengi nganshi. Bena—bena—bena—bena balafwa *ifi*. Kabili ba Red Cross balicisuminisha ici. Na masukulu yonse, yena . . . Lolesheni kuno!”

Oh, lelo kanafye cimo i Cebo, ico eco fwile ukucitafye ukuti ufwe; te mulandu ifyo waba na mano ya masambililo, efyo ya wama yena. Yesu atile, “Ici nono icitutumushi citutumusha icipandwa.” Limo itoni lya citutumushi onaula umukate. Cimo i Cebo cakwa Lesa, icabikwa apo tacifwile ukuba, conaula Icikope conse. Nga filya ukuboko kwandi kwaba apafwile ukuba ulukasa lufwile ukubela? Mwamona? Ngo kutwi kwandi kwali panshi apo ukuboko kwandi kufwile ukuba? “Icitutumushi cinono citutumusha onse umukate.”

Batila, “Bushe waishiba shani ukuti Cena calilungama?” Lesa alacishininkisha Ici ukulungama. Alacishininkisha Ici. Atile Ici apa mu Cebo, nomba Acishininkisha Ici. Ifyo efyo twishiba ukuti Calilungama nangu iyo.

Kanafye i Cebo cimo efyo cisenda ukufwa. Cena caletele ifya kufumamo fimo fine muli ino nkulo ya bipa, imfwa ya ku mupshi, nga fintu cena cacitile ku mfwa yaku mubili ku mutundu wa bantu bonse.

<sup>116</sup> Lolesheni ifyo Satana asendele inkulo ya bu scienci kunuma kulya, iya kwa Noah, ukushintilila pa kukutuluka kobe. Huh! Baibele itweba ukutila, mu Mapinda, “Wishintilila pa

kukutuluka kobe.” Kabili, “Lekeni icebo ca muntu onse cibe ica bufi, kabili ica kwa Lesa cibe ica cishinka.” Lelo Satana, ku kwishiba kwakwe, ukufuma ku kutendeka kwibala lya Edeni, alengele abantu ukushintilisha pa kukutuluka kwabo. Kabili, namwishiba, ukupita mu milimo yakwe iya Max Factor iyo ena akwete kunuma kulya, alengele abanakashi ukuwama nganshi icakuti ici calengele abana baume ba muntu. . . abana baume bakwa Lesa, nangula, ukuponena mu lubembu kabili ukubopa bena. Nacilungama. Ena. . . Abanakashi bali abawama nganshi, abasuma nganshi.

<sup>117</sup> Nomba senda umwanakashi yawe yawe pa musebo ileelo. Mwebengi mwalibelenga ilyashi; tamwalyumfwilepo lyena, pantu ici cali cibe nshilafyalwa. Pearl O’Brian, nibanga ba mumfwapo ena? Mucine. Ena aali nokuba umwanakashi wa wamisha mu calo. Mulandunshi, tapaba umwana we sukulu uyo aya ku cikulwa ce sukulu ileelo lelo uyo uwaba imiku ibili ukuwama ukucila ifyo ena aali. Mulandunshi iciabela ifi? Ukuemba kwa banakashi buli nokucitika mu nshiku sha kulekelesha.

Balibeya imishishi. Baifwika amalaya ayanono aya baice abakashana. Bafwala utuputula, kabili notuputula twaku sambilamo, kabili na fyonse fintu mu twita, pali bena. Bena bala penta, nokubika ifya kashika pa matobo, kabilifyonse ifya misango ifintu, uku bapanga bena ifyo bena tababa. Mwamona? Lelo ukupitila mukwishiba fya bu scienci ifyo bena baliba abakufikilisha ici. Bushe mwalishiba kuli ishingipo ishaposwa ku fya kuyemfya imibili ku banakashi, ukucila ifyo caba, mu United States, imiku ibili nangu imiku itatu ukucilapo, pa shaposwa pa fyakulya ifya kuleka umweo wa twalilila? Shininkisheni ico, ico nacilungama, pa fya kuyemfya imibili.

<sup>118</sup> Lolesheni, “Abana baume bakwa Lesa ba mwene abana banakashi aba bantu,” te bana banakashi wakwa Lesa, “abana banakashi ba bantu, ukuti bena bali abaemba,” kabili ici calengele abana baume bakwa Lesa ukupona muli ici icabufi. “Kabili ukusenda abafilya abanakashi kabili noku bopa bena,” kabili ici calete inkulo ya bu cilende, nga fintu cili ileelo; nga fintu cena cali mu Sodoma, nga fintu ici casobelwa ukuba ileelo.

Ukuti, ilyo abaume na banakashi ba buno bushiku balecinjanya abakashi. Nga tabatemenwe uyu umukashi, bena—bena bayakulya ku Remo, Nevada, kabili ukuya upa; kabili, nangu ukuya lekana, ulya umo, kabili nokupa nakabili muli ba miniti ikumi limo na isanao. Kabili abanakashi aba suma nganshi icakuti bena kwempe teti umuntu abakane. Kabili cinshi ici? Ciwa! Mwamona Satana acili mukuemba? Lolesheni.

<sup>119</sup> Lolesheni, bena tabaelelwe kuli lulya lubembu. Ilya iisuma, iya scienci yali iyabipisha inkulo iyo Lesa aonawile ukufumyapo pa cinso ce sonde. Ilya iisuma, iya bu scienci inkulo. Yesu atile

icicikaba ngefyo nakabili ilyo ukwisa kwa Mwana wa muntu talati ese. Ico nacilungama? Lolesheni, Yesu atile, “Nga fintu cena cali mu nshiku sha kwa Noah, ifyo fine efyo cena cikaba mu kwisa kwa Mwana wa muntu,” ilyo bena bonse baeseshe ukupa . . . Nomba lolesheni, “Abana baume bakwa Lesa baupile abasuma abana banakashi aba bantu,” kabili Lesa tatalile abelela kuli ici.

<sup>120</sup> Cimo cinefye nokufunda kwakwa Balamu, ukwalengele abasuma, abamasambililo, aba bu scienci abanakashi baku Moab uku . . . na menso yabo aya lunkumbwa, ba penti bakwe nama pauda, ne misashi shakwe, ukongola abana bakwa Lesa; uku lwishanya na banakashi babo ababombele kabili bakwete iminwe yakosa iyatikama, ukwabula nefya kuipenta pali bena. Ukubongola bena ukuya, kabili, “Lekeni tupane umu nomunankwe, pantu ifwe tuli bantu bamobene.” Ico cali bufi! Ico cali u—u bufi, kabili ubukumo bwakwa ciwa, ukuti ekate abana bakwa Lesa ukupa a—a bana ba bantu.

Ici cali bufi bwakwa ciwa, ubwakwa Balamu, ulya kasesema wabufi, uwa esseshe ukusesema ukulwisha Mose uyo aeseshe ukwikata ulubilo pamo; ukutila, “Ukuba, twacetekela umu wine Lesa. Tupela ifya bupe fimo fine. Twakwata amalambo yamo yene. Tucitafye fyonse fimo fine.”

“Ica palama nganshi icakuti kuti cabeleleka na ba Salwa nga kuti cena cacitika.” Mwamona? [Tapali amashiwi pali tepu—Kale.] Mwamona? Iseni ukufumako kuli ena, mwe bantu! Tamukwete nangu cimo ica kucita na ena!

<sup>121</sup> Lolesheni, tacale moneka kwati Lesa kuti apilibula i Cebo cakwe ku nkulo yakwa Kaino iyibifi. Iyo. Lesa teti apilibule i Cebo Cakwe kuli bena. Lolesheni . . . [Tapali amashiwi pali tepu—Kale.]

Lesa, ubwishibilo ubwa kupanga icalo icawamisha kabili ica scienci kabili ica lubembu, Ena ali nokconaula ici? Bushe Lesa kuti acita ico, ukupanga icalo icisuma nganshi; lolesheni kuno, Lesa ukupanga abana banakashi Bakwe aba wama nganshi, kabili no kubafwika bena bulalalale nganshi, ukuti abana baume Bakwe bale bakumbwa bena kabili ukucita ubucende? Ati shani? Lesa ukucita icintu icaba ngefyo?

Aba aba bwamba, abafula ibumba lya bena Laodekia, balepepa lesa wa cino calo, ukupitila mufyo bena bamona ukuba ifibi ne fisuma, kabili amasambililo, kabili ubusuma! “Fumeni muli ena,” Baibele yasosele, “mwiba abakukuma ku membu shakwe, kabili mwi kapokelelako ifikuko fyakwe.” Lesa ali nokuleta imfula ya mabwe ukufuma mu myulu ubushiku bumo, ifya kula ama paundi umwanda umu limo ilibwe, kabili aka monaula ena ku kumulasa amabwe ena; nge Cebo Cakwe lyonse citila Ena acita, amafunde Yakwe.



Ukuba, nga Lesa alicitile icintu ca musango uyo, ukusokolola i Cebo Cakwa ku bantu ba musango ngoyo, Ena kuti a—a cimfya umulandu Ena Uwakwe. Lesa taba iciwelewele. Ena entuntunko ya mano yonse.

Eico mwamona uko ifi fintu fya fuma? Ifi fya fuma kuli Satana, kabili ficili fya kwa Satana. Kabili nama chalichi yali cicetekela ici.

<sup>122</sup> Nomba mwamona, abanakashi, Nde esha mumaka yandi yonse ukumilanga i Cebo cakwa Lesa. Baibele yatile, “Nga umwanakashi aputula imishishi yakwe, talepela umucinshi ku mutwe wakwe,” ico icili umulume wakwe. Kabili umulume wakwe emutwe, pamo na Lesa, eico asebanya Lesa kabili no mulume wakwe.

<sup>123</sup> Nomba ici cilelangisha uyo uwaba umutwe wa mibombele ya chalichi. Ico cilelanga uyo uwaba umutwe wa cena. Ni Satana, mumibeke ya umuntu uwa kwatisha amaka, uwaishiba ukucilamo. Aalishiba ukucila pali bonse abashala pali bena. Te mulandu nefyo i Cebo cingalanda, ali—alikhwata ukupilibula kwakwe umwine pali Cena, mwamona, ukupilibula kwaino nkulo yabipa.

<sup>124</sup> Moneni amapange yakwe yakukula icilonganino ica ichalichi icikalamba, i Cisaka cama Chalichi yonse mwi Sonde, mwamona, icilonganino icamaka, pakuti isonde lyonse lingala mupepa ena, iciswango, pe samba lye shina lya bwina Kristu ilyaikatana. Bushe mulefwaya tubelenge mu Baibele? Ukusokolola 13:6 kabili na 8. Cena camba ca Baibele ica nomba.

<sup>125</sup> Bushe tamuleibukisha ifyo ulya Nimrod, ulya mumbi munda, akulile ici icamba cikalamba kabili nokulenga imisumba imbi inono ukulapela amalambo kuli cena? Babbele na Babele cintu cimo cine. Cena cicinja fye amashina yaciko, kabili, lintu cena caninako pa mulu. Yena, Rome nomba ni Babyloni. Kabili ne sonde lyonse lya letwa ku Babyloni, kabili caletwa namu Cisaka ca ma Chalichi mwi Sonde ico icakulenga cili umo pakati kabo ukulakonteka imitwe yabo kuli cena. Kabili na mupokelela ululembo lwa ciswango, nokukana ishiba ico mulecita. Pantu. . .

Lelo abo abasalwa bali no kumfwa i Cebo kabili nokufuma muli cena.

<sup>126</sup> Ifyo caba ica pusana icilonganino ku Cebo cakwa Lesa! Ena tatalile akwatapo cimo, nokutala abombelapo muli cimo, kabili tatala abombelapo pamo muli cimo. Ndefwaya abaishiba ilyashi lya kale ukunanga apoponse apo kasesema afumine mu chalichi. Anangishe apo Lesa apalile ichalichi ico icali. . . panuma ca ampanishiwe pamo. Cena caile pa shelufu no kufwa, pamo no kwishiba kwa muno ukufuma kuli ciwa, ukupitila muntungulushi shabo, kabili nokukana i Cebo cakwa Lesa lintu Cena calekula mu mushiku uwapwililika uwakwa Kristu. Nomba cili pamutwe. Ifyo caba icapusana!

Patukeniko ukufuma kuli ulya usha cetekela Efa, mwe bana ba Lubuuto lwa mucungulo kasuba!

<sup>127</sup> Satana, lesa wa ino nkulo, mu kwishiba kwakwe, ukulenga abantu ukulaya ukufuma ku cimuti icasakanishiwa ica busuma no bubu. Moneni, Satana, ukupitila mu kwishiba kwakwe, ukulenga abantu aba nkulo ino iyabipa ukulya ku cimuti cakwishiba ubusuma no bubu. Atiila ukuti alekula iikalamba iyakutumputuluka kwa bena Kristu, ukupitila mukwishiba kwakwe ukwa busuma no bubu, iikalamba iya kutumpuluka kwa bena Kristu.

<sup>128</sup> Lelo na Cisungu munono uwa kwa Kristu, Cebo, Umukuni, Nabwina, tamufwile ukusakamana pa kwishiba kwakwe. Alamulenga, ena, ukufumako kuli ena. Cintu nshi... Nomba lekeni tulande pa lwa Ena, pa kashita aka nono. Alelolela pali Shikulu Wakwe kabili pa kutusha Kwakwe ukwa myaka Ikana limo, cisuma, pamo Shibwina i Cebo, pantu Ena e Cebo Nabwina.

<sup>129</sup> Ukwishiba no kutumpuluka, kabili no bwina Kristu bwacine, tafyakwata icintu nangu cimo icaishibikwa. Ukutumpuluka, kabili no bwina Kristu bwa cine, tafyaba ifya kwata icintu cimo mukwishibana.

Ukutumpuluka kwisa ukupitila mukwishiba. Twalishiba ico. Kabili ukwishiba kwafuma mu Edeni, ukushininkisha cena, ukupitila muli cintu ashimikile mu Edeni. Kabili no kwishiba kuleta imfwa. Bushe ico cili icalungama? Cinshi calengele imfwa mwibala lya Edeni? Kwishiba. Lelo ico tecakwa Lesa, eico cena cakwa ciwa. Wheh, bushe ico cali icisuma! Ukwishiba, scienci, amasambililo, efya bucingo bukalamba ifyo Lesa tatala akwatapo. Fyena fwakwa ciwa.

Nomba Nalalolela pa filembelwe palya ico, Ninjishiba. Ndelolela fyena.

<sup>130</sup> Lolesheni ifyo ifyabwikashi bwesu bututwelemo nomba. Mwamona? Lolesheni bwena ifyo bucitile. Napo ifwe tufikile? Twashintilila kuli ifyo fintu, ukupitila mukwishiba kwesu ukwa scienci.

Mwatila, “Nga palwa kwa Lesa, muletontonkanya Ena ukuba abakukana ishiba?” Oh, iyo.

Lesa ali nokubika umusango wakatumpuluka Uwakwe Umwine pe sonde, lintu Ena akalateka. Ili lisonde lyakwa Satana; ena ni lesa nomba pa kwishiba pakwishiba kwa bu scienci. Lelo Lesa ali nokubika ukutumpuluka Kwakwe mumusango Wakwe. Cena tacakabe ngokutumpuluka kwaba ngefi. Ibukisheni ico. Tacili nokuba ngo musango wakatumpuluka untu ifwe tukwete ilelo. Iyo, iyo. Cena cikaba umwabela i Cebo Cakwe kabili nobufwayo Bwakwe. Pantu, lesa walino isonde lilipo ilya bipa akaba naonaulwa, kabili no bufumu bwakwe pano na ena.

<sup>131</sup> Uku ukwishiba kwa nomba-inkulo iyaba nokutemwa teti bakwate intungulushi iyawama imo iyo bena bakwete, Satana, kapilibula wa Cebo cakwa Lesa, nga fintu atampile mwibala Iya Edeni, lelo umuntu wabukapepa ushintililafye pakukutuluka kwakwe.

Pamo ngefyo Nsosa kunuma, Amapinda 3:5, ukuti, “Tatufwile ukushintilila pakukutuluka kwesu.”

Bena bafwile bakwata lesa, pantu bena bantunse. Libe, ena abapangila ifyo balefwaya. Pantu pakuba umuntunse, lyonse, abantunse bonse. . . Lintu twaishile pano, twasangile ba Mwenye balepepa utulubi, na kasuba, na fyonse fye. Nga bantunse, bafwile bakwata lesa. Eico iyi nkulo yamano ifwile yakwata lesa, eico efyo caisa sangwa. . . Uyu lesa waino nkulo ewaba ukwishiba, icilonganino, scienci, “ukukwata imibele yabulesa, lelo ukana Amaka yabuko.”

<sup>132</sup> Moneni, lesa wabo alabapingilafye ifyo balefwaya bena. Bena balakwata ulunkumbwa Iwa mubili, kabili ifyo efyo ena abapela beana. “Bena balefwaya ukufwala utuputula twakusambilamo. Lekeneni bena bafwile ifyo. Mwamona? Ngabalefwaya ukucita *ici* nangu *cilya*, lekeneni bena bacite ico. Tamuli ububi muli ico; bena balaya ku chalichi. Nyina wabo abana ni Methodist, Baptist, Pentecost, Presbyterian. Balekeneni bena babe ifyo fine.”

Uyo e lesa wa ino nkulo; uwasalapuka, uwamano, uwa fyabu scienci. Ico tacilekabila ne cicetekelo. Cena tacifwile nokushininkishapo icintu nangu cimo. Fyena kale fyalishininkishiwa, ukupitila mu kwishiba kwabo. “Cisuma, ifwe icilonganino icikalamba icaba mu tauni,” ukwishiba kwabo. “Kakumba wesu aali kwata D.D., Ph.D.” Mwamona, tacikabila icicetekelo; cishintilila pa kwishiba. Lekeneni bena bekale mu nshila yonse, apo bena balesa kukupepa ena ukupitila mu cilonganino cabo na masambilisho yabo. Kwalibako ilinso Ilya fita kulya, lelo lolesheni pali ico cine.

Balaseka pa Cebo cakwa Lesa, balalanda ifintu ifya pusanako ne Cebo; kabili no kwesha, ukupitila mu kwishiba, ukushininkisha mufya bu scienci ukutila i Cebo tacaba ica cine. Oh, we nkulo we intu tuleikalamo! Mwamona lesa waino nkulo?

<sup>133</sup> Moneni, lelo Lesa alelolela mpaka amampulu ya bena Amori nomba yaisula. Mwisakamana, Aali nokukwata Mose Wakwe uwaipekanya pali Ilya nshita. Kukabako ukufuma, ubushiku bumo, ukuya ku calo cabulayo. Kukaba Mose uukesa bapo, uyo uukabilikisha, “bwesesheni Icicetekelo cabana kuli ba wishu.” Ico cili nokwisa, ubushiku bumo. Bushe. . .

Mwalanda ukuti, “Cisuma, lolesheni ifyo tuleilako pantanshi.”

Cacine, amampulu yabena Amori tayali ayaisula. Cena cili nokwisa, pa bushiku bumo. Leken i bena bayonawile abene beka.

<sup>134</sup> Ukutumpuluka, ukwishiba, filapilibulla i Cebo cakwa Lesa ukutila finga mpana nokufwaya kwabo abene. Icilonganino conse cilacita icintu cimo cine. Satana nomba alashimikila imbila nsuma yakwe iyakwishiba mu chalichi cakwe.

<sup>135</sup> Mwabafye amabumba yabili aya bantu aya landwapo mu Cipangano Cipy. “Abana bakwa Lesa, kabili nabana bakwa ciwa.” Bushe mwalishiba ico? Mulekabila ukulemba Amalembo palwa ico? Yohane Wacimo 3:10, ngacakuti mulefwaya Amalembo. Nala mubelengela ayo pali ino ine nshita pano pene, nali lemba apa. Cisuma. Cisuma.

<sup>136</sup> Mu bena Efese 2:2, bena betwa, “Abana abakukanabela.” Nga fintu Efa aali, ukukana nakila i Cebo cakwa Lesa. Abana abakukanabela, tapaba icintu nangu cimo icaishibikwapo pakati.

Nomba kuti caba shani Nabwinga wakwa Kristu ukwampana pamo ne cilonganino, lintu tali uwabela na umbi aali uwabela? Nga umo, kuti aba shani i Cebo; na umbi, icebo ica pilibulwa? Bushe cilende no mwanakashi ushaba cilende kuti baundela shani capamo mukumfwana? Bena teti bacite ico. Bena tabakwata isenge capamo nakalya. “Fumeni pakati kabo!” Ico cakwa ciwa. Cena lulembo lwa ciswango. Ukulaya bwino muli cena nomba line; ifilonganino. Nshile sakama onse untu aali uyo.

Les aalebula, te cilonganino, “bantu pamulandu weshina Lyakwe.” Icilonganino teti cipokelele ifi Ifya Cine. Cena cisendafye umuntu uyo umo ukumona Lesa, ukulolesha pa Cebo Cakwe nokucicetekela Ici, kabili nokukanaba kukabungwe nangu kamo; lelo ukwikalila Lesa, te pa kabungwe kakwe, pa mano yakusambilila aya kwa bishopu umo nangu icintu cimo ukufunda ico. Ico nacilungama.

<sup>137</sup> Abana abakukanabela, kabili nabana abacumfwila, tabakwata icintu cimo icaishibikwa pakati kabo. Umo pali. . . wakasuba ka Lubuuto; umbi nao, wa bushiku bwa mfifi, inkulo ya bubifi, iyi nkulo yabubifi iya mfifi, iya mayanda yamangalo yabushiku, ifyakushana, libe ba ku calici. Cena caliba bwino pamo na lesa wabo. Bena tabakwata nokusekwa palwa ico; tapali nangu cimo ici basakamika bena.

“Mulandunshi cena tacinseka napo palwa kubeya imishishi yandi,” efy a sosele umwanakashi. “Mwi onaula kampingu wandi.” Ena takwata na kampingu wacila pa nsoka ishakwata intungu. Ico nacilungama. Mucapwililika teico. Taishiba na kampingu fintu aba. Cena calyo celelwa icakosa nganshi mpaka ena nokwishiba taishiba ifyo aba. Ico nacilungama.

<sup>138</sup> Ukunyantilila, palwa Cebo cakwa Lesa, ukulalanda ukuti, “Mulandu nshi, lilya libumba lya bantu abakale abashimona na bwino. Taufwile ukuyako kulya; bena libumba lyaba congo kabili batwalilila-fye, mu musango onse.” Huh! Tabaishiba na saana pali Lesa ngefyo Hottentot aishibe palwa Egypto bulya bushiku ubushiku. Ico nacilungama. Cena cacishinka.

“Ukukwatafye imibele yabu kapepa, lelo ukukana Amaka ya buko; kubaba ifyo talukeniko. Ababa ifi ebaya ing’anda ne ng’anda, kabili nokutungulula abanakashi abawelewele.”

“Oh, we mutemwikwa, iwe uli, ufwile wacita *ici*. Oh, we mutemwikwa, Ndetontokanya kashimikila wenu umukote ushimona bwino kulya, nga kuti iwe wa . . . Oh, kuti wamoneka uwaemba mukaputula,” nangu conse ifyo baketa kena. “Iwe, nga kuti wacita fyonse *ici*, *ico* kabili na *fimbi filya*. Mulandunshi, umushanga unono teti onaule umubili wa muntu uuli onse. Ine ndi waku calici, kabili walishiba icilonganino cesu ecacilapo pali fyonse.” Taufwile ukucetekela ulya umukote uwapenta kabepa wa bufi. Alebepa kuli iwe. Ico nacilungama. Ee, mukwai.

<sup>139</sup> Cilifye bwino na lesa wabo. Oh, ena atontokanya ukuti ico cisuma, kabili bamutemwa fye ena palwa ico.

Ine, bena balapashanya naiwe. Baleminina nokulanda ubufi palwa ico. Mulandunshi, icine cine, Satana aliminine pa cinso cakwa Yesu Kristu, i Cebo, no kwesha ukulanda ukuti, “Cena calilembwa.”

Kabili Ena ali palya, i Cebo cakwa Lesa ica shininkishawa. Atiile, “Kabiye ku numa Yandi, Satana!” Endafye nokucita icintu cimo cine.

Nga fintu umulumendo asosele kuli ine panshita imo, atiile, “Nomba, ngacakuti walicetekela ukuti ulubatisho lwa Mupashi wa Mushilo lwali lungama, kabili walicetekela ukuti wali Ukwata,” atiile, “nomba wanenga ukuba impofu.” Uyo aali ni kashimikila. Atiile, “Wanenga ukuba impofu!” Ena atiile, “Paulo alengele u—umuntu umo ukuba impofu ubushiku bumo.”

<sup>140</sup> Natile, “Mista, kuti Nakulenga shani ukuba impofu lintu kale kale waba impofu? Ine kuti Nakwipaya shani lintu walifwa kale?” Uh-huh.

Atiile, “Ena, amenso yandi yaba amakumi yabili-ama kumi yabili!”

Natiile, “Icipandwa ca mubili obe; lelo iwe ucili impofu.”

“Cena tacingacitwa! Baibele taipilibula ifintu. Ifwe tulanda apo Baibele yalanda, nokwikala tondolo apo Cena caba tondolo.”

<sup>141</sup> Natiile, “Cisuma, lintu Eliya afikile mu—mu Dotani, mwamona, kwaishile umulalo onse uwa bena Syriah ukushinguluka. Kabili no mubomfi abutwike, atiile, ‘Oh,

mwe taata!’ Atiile, ‘Taata wandi,’ atiile, ‘abena Syriah nabatushinguluka ifwe.’”

“Eliya akumwine mu menso yakwe, lola atiile, ‘Kuli abengi abali naifwe ukucila bena.’”

“Atiile, ‘Nshilemona nangu umo.’”

“Atile, ‘Lesá, isuleni amenso yakwe.’ Nomba, ena aali impofu. Kabili aloleshe ukushinguluka pali ulya kasesema wakale, kabili pakati ka mpili; paiswile ba Malaika, kabili namaceleta ya Mulilo, kabili nabakabalwe ba mulilo”

“Kabili afumine nokuya kulya, kabili na Baibele yasosa ukuti, ‘Abalengele ukuba impofu kuli.’ Ukuba impofu kuli cinshi? Kuli Ena. Alyendele nokufuma, atiile, ‘Bushe mulefwaya Eliya?’”

“‘Ee, tulemufwaya.’”

“Atiile, ‘Iseni, Nalamulanga, pantu aali.’ Eliya alebatungulula kuli Eliya. Impofu!”

Natiile, “Bushe namwishiba ico Nalasosa kuli imwe? Ico cilifye bwino bwino ico Shikulu alandile kuli wisó, ‘kabiye ku numa yandi.’” Uh-huh. Uh-huh.

<sup>142</sup> Moneni, abana bacumfwila, naba bakukanabela, tabakwata nangu cimo icaishibikwa pali bena. Abakana ukubela bapepa lesa wabo. “Oh,” bena batiila, “ifwe twacetekela Baibele.” Ee, cena cimuti casakanishiwa. Mwamona, bena balundako isonde no kwishiba kuli Cena. Icimuti cakwa Satana, icasakanishiwa; mwamona, ena abulile ukufumya ku cimuti cakwa Satana, icisuma ne cibi. “Oh, ifwe twacetekela i Cebo.” Icine cine, lelo teconse ica Ico. Efa acetekela i Cebo pamo, lelo lekeni—lekeni Satana abule icimuti cakwe no kucipilibula Cena panono. Ifyo eflyo cana caba.

“Uyo onse uukalundako ishiwi limo, nangula ukufumyako i Cebo cimo kuli Cena.” Ena aba cimo cine mailo, ileelo no muyayaya! Moneni. Cisuma.

<sup>143</sup> Iyi inkulo iyabipa yaba iya mfifi, libe yena iya ku calici. Wabo lesa, balimutemwa palwa cena, umusango alekelamo bena bacita. Bena tabakwata ukusekwa. Tapali nangu cimo icibasakamika apo fye bena baba mu chalichi.

Balaamu afundishe ichalichi icintu cimo cine. “Lekeni twikatane pamo; ifwe twaba cimo cine.” Yena elyali i triki lya ku shalikisha. Lesa tatalile abelela pakucetekela ubufi bwa musango ngoyo.

<sup>144</sup> Ibukisheni, lyena lwali lubembu ulushingelelwa, imiku itatu muli Baibele, ku muntu onse ukulundako ishiwi limo ilya kupilibula kwabo ku Cebo cakwa Lesa panuma Cena nashininkishiwa ukuba Icine.

Mwibala iya Edeni, cisuma, mwibala iya Edeni, ishiwi limo ilya lundilweko calengele imfwa.

Lintu Balaamu alundileko ku cebo, cilya, “Ifwe bonse twaba cimo cine,” bena, Lesa tatalile elela Israeli pali ico. Onse pali bena baonawililwe mu matololo, kano balya batatu bantu Lesa afumishe.

Yesu atiile, “Bena baba, onse umuntu, abafwa,” ico caba ukupatuluka ukwa Muyayaya. Bonse baliya; bena taba elelwe. Cena lubembu ulushingelwa; tatalile abelela bena. Oh, owe!

Fumeniko kuli cena, mwebana bamu Lubuuto lwa mucungulo!

<sup>145</sup> Moneni nomba uyo uuli intungulushi wa iyi mubele ya nomba, iya bukapepa, inkulo iyabipa? Ena ni ciwa, ukubula cilya icimuti cakwishiba ubusuma no bubi, kabili nokucibika cena kunse kulya, moneni, ukuleta ichalichi cakwe icisuma nabwina wakwe ku cisaka cafilonganino ku bwinga. Ico cisuma cimo. Ichalichi icisuma icafya bu scienci, na yonse ama—ama—ama degri ayo aye ngapelwa; Ph.D ukufuma mu chalichi cakwa Kristu, ama Ph.D ukufuma mu Baptisti, Prebyterian, Pentecosti, na bonse. Ukubaleta bonse pamo, pamo nayawamishiwa ayabikwa ifya beka nama chalichi ayakalamba, yonse ku cisaka cafilonganino, “Ifwe twaba umo.” Cena tacakatale ukulenga bena ukwelelwa. Icilonganino, ukufwala ica shishikwapo icilonganino, cishibilo calulembo lwa ciswaga. Twalipitamo muli cena muno; ukucita ico. Fulumukeni cena, mwebana, fulumukeni cena! Mwamona? Icialamba, icisuma ichalichi ukuya ku bwinga bwa cisaka ca filonganino, ukukwata icishibilo cakwe!

Utuputula, icine cine, ukufwala kwa mwi sonde, imifwalile ya bucece bucece, ukupenta, abasambi abasuma mu cine cine abakwa ciwa, uko ngola abana abaume aba kwa Lesa; ukupa umusuma uwafyalwa muku-pwililika umulumendo ukuya mumucece uwaba nga filya. Ico nacilungama. We pa . . .

<sup>146</sup> Imwe mwacitiila, “Ukubeya imishishi, cinshi ico cikwete na cakucita?”

Munyina, lekeni twiminineko pano pakashita akanono. Nacumfwa ukuti umuntu umo nakanako kuli ico. Limbi aciba kumo pali lamya ku ncece imo.

Kutikeni. Umushishi ku mwanakashi mulapo wa cina Nazali. Imishishi kuli Samsoni wali mulapo wa cine Nazali. Kabili lintu umwanakashi abeya ukufumyako imishishi yakwe, ena—ena mukupwililika akana umulapo wakwe uwa cina Nazali ukutila ena te Nabwina wakwa Kristu. Pantu, kulya, ico cintu cimo, ena ninshi aonaula Icikope ca cintu conse. Mukucilungika! Umwana *Nazalini* ni “umo uyo uwaipesha ku bukabilo bumo.” Bushe ico nacilungama? Samsoni aali uwaipesha ku nkulo na kubukabilo bumo, eico ena akwete imishishi yakwe itali.

Umwanakashi uyo uuli umwana wakwa Lesa, aleka imishishi yakwe ukukula, ukulangisha ukuti ena aali ipelesha ku Cebo conse icakwa Lesa.

<sup>147</sup> Nga cakuti ena abeya aufumyako wena, Nshilesakama nefyo ena engashana, ukwimba, aba na mwibumba lyabakemba, alandila mundimi, ukulabutuka uku-no-ku, nangula ukukwata ubwafwilisho bwa tubungwe, ena alifwa. Ico EFYA SOSA SHIKULU, i Cebo cakwa Lesa. Abena Korinti 14. Emukwai. Ena ninshi nakana umulapo wacina Nazali no kushitisha kuli lesa wa ino nkulo ya nomba. Ena nacicita ico. Nomba, cansoni pali iwe, namayo, nangu we mwanakashi!

<sup>148</sup> Icene cine cakwikata abana bakwa Lesa, nga fintu cena cali. Nga fintu Yesu asosele, “Nga fintu cena cali mu nshiku shakwa Noah, abanakashi bali abasuma, kabili na bana abaume bakwa Lesa batampile ukulaupa pakati kabo, eico efyo cikaba lintu u Mwana wa muntu akabwela.” Kabili lesa wabo atontonkanya ukuti cikalamba, kabili icaemba, kabili icabu scienci, ukwishiba; Ama fashioni yamu Hollywood, ifyakuntika bwino mwituka lyakwe, icene cine, fyonse ifi pano amatipa yafiko ne fintu, namwishiba.

<sup>149</sup> Kabili ena, ichalichi cakwe, bena bacitemwa fye cena! Oh, owe! “Nalakulenga ukutuluke, Ine ndi Methodisti. Ine ndi Presbyterian. Kakumba wesu alikwata amano ayasuma ukucila ukulanda icintu camusango ngo yo.” Ena amano yakwe tayalinga ukulanda ifintu ifyo Lesa alanda nomba. Mwamona?

<sup>150</sup> Ena, ichalichi, bena bapepa ico. Alicitemwa cena. Ico fye eco ena atemwa! Ena tafwaya ukuyampanya ku cintu icishili nangu cimo, munyina, nangu ukwisa mu cintu icishili nangu cimo ena afwile acita ico icintu icapusanako ukufumako kuco ba Yesebele balecita, pantu ico ecifyalilwa caba muli ena.

Kuti iwe waba shani neci fyalilwa icili conse. . . “Ninani mukutontonkanya uwinga lundako cubit imo ku mushinku wakwe?” Nga cakuti wafyelwe ukuba ama fuutu-yafiti, yasano abutali. iwe tekuti ube ama fiti mutanda, Oh, ee, kwati ni Booth-Clibborn “mashini yakololwelako.”

<sup>151</sup> Nomba kutikeni, mwe bantu, mwibumba lyaba Kwindi! Ngacakuti imwe mwafyelwe ukuba abaume, ninshi citeni nga baume. Ishi mpompo shaba pa finso fyenu, ishanyongana pa mulu kwati fyakufwaya ukongola ukuya mukulungana, mulandu nshi, imwe mwe citoto ca nsoka! Ubwafya bwenu bubelele pesa muli imwe, mu nshila ili yonse?

Lesa wandi aali nokupingula cino calo ubushiku bumo nomulilo. Ena Akacingisha cena pesamba lya bemba. Inshita yabupingushi Bwakwe naipalama ili mupepi. Isonde lyonse ilili nokwingila ukuya.

<sup>152</sup> Ifya bufi ifya bukapapa! Ifya bufi ifya buntunse; umuntu taishiba umusango wakwe untu ena abamo, nangula banakashi.



Aiminina nafwala na ofoloshi ya mwaume, nangula kaputula uwakale, ifya kufwala ifya. . . ukwenda kwakwe konse apanga ne mipangilwe ya mubili wakwe, kabili nokula ita umwine umwina Kristu. Ena nabunamayo takwete, nangufye ubwina Kristu tabwabamo. Ena ni cilende wamu musebo ubomfeshiwa na Satana, uwasubwa na Satana, ukutuma abana banume bakwa Lesa ku mbo, ukufikilisha i Cebo ico Yesu Kristu atiile cikesa bapo. Ine nsha cipilibula ukulanda ico, lelo Ena aali cilandile cena, nangu cibe ifyo. Mwamona uko uyu umupashi wabu kapepa wafuma? Ku cimuti icasakanishiwa.

<sup>153</sup> Walanda, “Cinshi cilubene naya amatoloshi,” nangula conse ico bena beta ico, “utuputula-tupelela mumakufi?” nangu conse ico batwita twena.

Baibele yasosa, ukuti, “Umwanakashi onse uyo uli nokufwala icakufwala ca mwaume, ico ca muselu mu cinsu cakwa Lesa.” Ico caba EFYA SOSA BAIBELE.

Kabili umwanakashi uyo uuli nokubeya imishishi yakwe, asebanya umutwe wakwe. Kabili taaba nangufye. . . Cena cintu cimo icalubembu ku mwnakashi ukupepa no mushishi uwipi, efyo Baibele yasosa, ukupepa mu cintubwingi no mutwe wakwe ushikwete icifimbo. Kabili ena. . .

Oh, iwe watila, “Ndafwala akasote.”

<sup>154</sup> Iwe myalu myalu, ukulafunda abanakashi ifintu ifyo! Lintu, Baibele yalanda ukuti, “Umushishi wakwe wapelwa kuli ena nge cifimbo,” te tusote-twapangwa nabantu. Ifyo efyo Baibele yalanda. Nshili uwashingamwa; Ndifye uwashingamwa ukumyeba fye Icine. Tamufwile ukukana ba aba cishinka, nga fintu Baibele yalanda, “Ukwikata i Cebo cakwa Lesa no bucenjeshi,” uku—uku pela nangu—nangu ukukumanya icakwipusha mumapepa ne bumba lyaba pushi.

<sup>155</sup> Ndi ne shiwi *ububi* uli pano. Ndi ne shiwi “Elvis” ilyo nemebe mucifulo ca *bubi*. Yonse yalelanda palwa cintu cimo cine. Ishiwi lya *Elvis* cilepilibula “pushi,” kabili ne shiwi *Ricky* lile pilibula “kwindi.” Lintu walanda “umunono Ricky,” iwe ulepilibula, “umunono kwindi.” Fintu iwe wa mwita ena, ifyo fine ena aba. Umwana obe nga aiinikwa ishina lya musango uyo, licinje mukwangufyanya, pamulandu wa Mbila nsuma. Taufwile ukwinika ishina ilyo umwana. . .

Tamwatala amumfwapo amashina ya musango uyo mulya muli Baibele, nangu munkulo imbi. Nimuno munkulo, inkulo umwaba amashina yaba ngefi. Nga kwali ba ukupilibulwa kwaba kwindi naba pushi, cena emo caba.

<sup>156</sup> Fyonse ifi. . . ?. . . ifilimba fyama dollar-amamillioni, kabili naba abaice baleendauka pano, balefilwa nokuya ku—ku sukulu ukwabula icintu ukubikwa mu kutwi, kabili na kalimba kakale mulya mwitumba, kalifye, “boom-de-boom.”

Oh, bena baishile kulya ku ng'anda, kabili twabalengele. . . Bena abalumendo ukwasha ukupenta ing'anda yandi kulya kwine. Ifwe twatile, "Fumyeni ico cintu pano. Nga cakuti imwe kuti mwafilwa ukubomba ukwabula ico cintu, ninshi lekeni ukubomba incito. Ico cilenenga ukumfwa ukusakamana no mwenso teti Njiminine napano. Twalibika cino icifulo kuli Lesa. Tatulefwaya uyo musango wa boogie-woogie ifyabulamo amano ifya shino nshiku shakulekelesha ishili pano." Natiile, "Cisaleni cena nangu lekeni ukubomba incito!"

<sup>157</sup> Lolesheni, bukapepa, nangu, oh, icine cine, ukuya bwino ku chalichi kabili nokwiminina pa mpongolo iyaisalika, no kulakutika kuli boogie-woogie.

<sup>158</sup> Neco lolesheni, Nabwinga-Cebo uwakwa Kristu aleya pamulu, neco. Ngefyo tulemona uko bamulwisha krsitu, baleya, atampile kunuma kulya kabilli nomba kumutwe; icisaka cafilonganano fyonse cikabila mumutwe wabukapepa. Kabili ne Chalichi cinono ico icaisabapo, pamo, Nabwinga-Cebo uwakwa Kristu uwa tentemuka ukupita munkulo, aleisa ku Mutwe, pantu Ena ali noku kwampana pamo Nomwina Mwakwe. Lyonse, pamo fye nge chalichi nefintu fyonse, Cifwile ca ampana. Ngefyo Ingano, nefintu fimbi fyonse, cisa mukubwelela kumutwe kuntu catampile; kwati ni Kaini na Abeli. Nabwinga-Cebo aleya pamulu mu Muntu uwa Cebo cakwa Lesa ica langishiwa muli iyi nkulo iyabipa iyo tuleikalamo. Moneni uko yena ileya?

<sup>159</sup> Kabili Satana nomba line alinokusenda nabwinga wakwe uwa mumatontokanyo kabili nokumusansabika uyo umo uwakulisha, abo abali niba mulwisha kristu, umwakonkana ukutantika kwa fifulo, kabili nokumubika pa cipuna ca bufumu, "kabili icalo conse cili nokusanguka pali ena."

Kabili nomba Kristu aali nokwisa. Kabili babili teti babepo mu nshita imo ine. Kabili no bufumu bwakwe buli nokusendwa; ena alinokonaulwa.

Kabili Kristu, i Cebo cakwa Lesa. . . Ico, umwanakashi aba icipandwa ca mubili wa mwaume. Bena tababa babili; baba umo. Kabili Nabwinga, i Chalichi, i Cebo, "abantu ukufuma *kuno* na *kulya*, ukufuma pa mulandu we Shina Lyakwe," bali nokwampana mu Mubili wakwa Yesu Kristu.

Kabili no bufumu bwakwa mulwisha kristu buli nokusendwa kabili nokonaulwa. Kabili Kristu eukabula icipuna ca bufumu, kabili no kwikala pa cipuna cakwa wishu Wakwe Davidi, kabili akateka pe sonde imyaka ikana limo; kabili nokupela i Chalichi kuli Lesa, "ukwabula itoni nangu icibala." Ee!

<sup>160</sup> Nomba lolesheni imishishi yakwe iitali, umulapo wabwina Nazali ku Cebo. Nalapela icikope cakwa Nabwinga wakwa Kristu nomba. Ifwe twamona icikope cakwa mulwisha kristu, apo ena ali, kabili uwabukapepa ne fintu fyonse, scienci. Nomba

Nabwinga munono uwaicefya uwakwa Kristu ena mukwiicefya acetekela i Cebo, conse fye ico Ena aba. Cena caba ni umo umo. Ninsubila nokucetekela ukuti kuli abengi abekele abalipo, abengi abaleufwa muno. Kabili Ninsubila ico newmwine, kabili na onse pakuti kesu bonse bali ulubali lwakwa ulya Nabwinga. Ninsubila bengi. Kabili, cikaba, bonse abo abalashikilwa kukuba ico cine bakaba ifyo fine, pantu emibele yabo. Bena balamona. I Cebo cena kuti caishibafye i Cebo. Cena teti cishibe icilonganino nangu icapilibulwa. Cena calishiba bwino; Cena e Cebo. Mwamona? Cena teti cishibe icishili icintu. . .

Ingano teti ibe icintu cimbi kano ingano. Cena catampile nge ngano; cena cili nokukula ing'ano. Kabili na mankumba teti yakule ukuba ingano, libe yena itapililwa nokusubwa kumo kwine. Mwamona? Lelo yena tayaba ingano. Nga fintu Nalandile ubushiku bwapitapo, palwa cimuti cakwata imisambo iyapusana pusana muli cena.

<sup>161</sup> Ena imishishi yakwe iitali, umulapo waci Nazali, cilelangisha ukuti Ena aalilapa kuli Lesa. Umwingila wawamisha wakwe uwa Cebo calaiwa Icakwe kuli ino nkulo Ena aleikalilamo mwena, calipombwa uku Mushinguluka, ukulangisha Ena pamo no Mwine eka, uwaba mu Ba Hebere 13:8, “Yesu Kristu umo wine mailo, ileelo, no muyayaya.” Pantu, Ena aba ulubali lwakwa Shibwinga Cebo, uwacishinka kuli Ena mucikomo conse.

<sup>162</sup> Nomba lolesheni. Nga cakuti umwanakashi afuma aya kabili aupwa ku mwaume, kabili aya mukucita ubucende mo mwaume umbi nokuba uwaishibana nakwe, kabili nokubwelela ku mulume wakwe, ena afwile amutamfya aya. Bushe ico nacilungama? Ena afwile aba uwacishinka kuli ena, pantu alicita umulapo kuli ena.

Kabili Nabwinga wakwa Kristu alicita umulapo kuli Kristu; kabili Ena e Cebo.

Nangu ukushinisha kulubali lumbi tacifwile cacitwa, umwanakashi tafwile nokushinisha umwaume umbi. Ena tafwile nokupangapo ifishibilo, takufwile kwabako ifya kumfwa umfwa nakalya ukulola kuli ena, pantu ena mukupwililika ni nabwinga kuli shibwinga umo.

<sup>163</sup> Tatulefwayapo nangu cimo pa fimuti ifyakanishiwa, ifilonganino fyenu. Beni aba cine kuli Kristu, i Cebo. Ena aali noku Cishininkisha ukuba icine. Iyo, mukwai, takuli nangu cimo icakumfwa umfwa icili conse ukulola ku kupanga ukulungana pamo na ena, te kwampana pamo na mabumba yakwe nangu icintu cimbi, nangu ukuleka ena ukwikata iwe mumaboko yakwe nangu ukuba ena uwakuku sakamana, nangu—nangu ena ukulanda kuli iwe palwa *iyi* nshila, *ilya* nshila.

Iwe kukutikafye kwi Shiwi limo. “Impaanga Shandi shalishiba i Shiwi Lyandi. Umweni shena teti. . .” Bushe Ishiwi

Lyakwe nicinshi? Ishiwi ilya muntu onse cebo cakwe. Kabili ifi eflyo Yena yaba, Baibele, tekulundako ishiwi nangu limo kuli Cena nangu ukufumyako kuli Cena. Ufwile ukwikalafye uwalungama nalilya i Shiwi. “Umweni tekuti shimukonke,” icilonganino.

<sup>164</sup> Nga fintu, Ena aba icipandwa cakwa Shibwinga, uwa cine kuli Ena mu fikomo fyonse, ukulolela Ubwinga. Ukwikatana, te ku cisaka cafilonganino; lelo ni mumakumbi, pa Mulalilo wa Bwinga. Ena ali pelwa. . . Ici camu chalichi cesu. Na. . . Ena alipelwa, kabili nokusokololwa kuli Ena, ifi Kakatikilo-Cine lubali ifyankama fyamuli Baibele. Mwamona? Ena amonafye ubupumbu bwa kwa kabepa, eico ukuba icapalamina ku Cine, cena mupepifye nokubepa Abasalwa. Ena ala cimona cena. Ena. . .

<sup>165</sup> Moneni imipashi ibili iyakulwisha ifyo ilebomba muli ino nkulo ibifi? Bushe mulemona cena? Cila umu uwa bukapepa nganshi, Kaini na Abele, imipashi kabili ukwisa ku mitwe yabo, ukubafye mu musango umu wine fintu batampile. Umu, ukulapepa ubusuma, nokwishiba, namasambililo, na scienci, ifya kukonka pancito. Kabili na Umbi, ukucetekela kwa kusokololwa kwa Cebo cakwa Lesa. Bonse babili nabeminina muno mwine muli cino icikulwa muno lucelo. Ico nacilungama.

<sup>166</sup> Ukusokolola, nangu ukucetekela, mu Cebo Cakwe, talanda pa kwishiba; uwa cine, uwacishinka umwina Kristu.

Bena batila, “Bushe iwe walikwata—iwe walikwata degri yabu dokota?”

Talandapo pa fyaifyo. “Nali—Nali cetekela i Cebo Cakwe.” Mwamona? Talandapo icili conse. Talanda ukuti alisambilila. Taba ku cilonganino nangu cimo, akabungwe konse, ibumba lyonse, akabungwe konse. Lyena lya kwa Kristu. Lyena Mukashi Wakwe; te mukashi wa chalichi.

Ena ni cilende. Baibele alanda ukuti ena “ni cilende,” kabili, “NYINA WABA CILENDE,” kabili bonse ukwisa capamo nokupanga cilende umu wine. Kabili umwanakashi wamusango uyo mwanakashi uushaba uwacine ku Mulume wakwe; kabili nokulalanda ukuti Kristu emulume wakwe, kabili no kuba uwa mu cilonganino. Ifyabulamo amano fyaba ngefyo! Ifwe tuli bakwa Kristu.

<sup>167</sup> Lelo, mu cumfwilo, uyu Umwanakshi munono, uwacitetekelo, uyo uwikala ne cicetekelo, Nabwiga; umuntu uyu *pano*, *palya*; pano, afuma aya ku ncende kumo kumbi, ku chalichi cimbi, ku cilonganino kumbi, conse cintu cena cili, mu mo umu. . . Uwacetekela i Cebo cakwa Lesa, uwanakila, ukulolela mukutemwa, pa bulayo bwa nkulo ukushininkishiwa. Ena alelelela pali ico. Ena aali ulubali lwa cilya i Cebo, kabili Alelelekesha pa mweo Wakwe ukusokolola cilya i Cebo.

Mwe babwananyina, bushe teti mumone ico? Ndesubila ico tacacimipitilila.

U Mubili ulelololela ico (icili Cebo), ukulolela u Mweo (ico icili Mupashi) ukushinkisha nangu ukuba Ica mweo. Ico eco Ena alelololela. Takuli umweo umbi uwingabomba muli Ena. Ena teti ese ku mweo munshila imbi. Libe, Ena alacumfwa mulya, kabili Ena alishiba ukuti cili nokucitika; nomba pano cena cacitika, nomba Ena aima. Lesa atiile, “Lekeni kube,” kabili Ena aishile moneka nga fintu uwakubalilapo amoneke.

<sup>168</sup> “Abana bashibela” cilepilibla ukunakila... *Ukukana bela* cilepilibula “bucintala.” Nalifwaya ico mwi buuku lya mashiwi ayapilibulwa, pakuba uwashininkisha. Bucintala, ukulatalamina (cinshi?) i Cebo icasokololwa icakwa Lesa. Nga fintu Kaini asokolwele... acitile bucintala ukulwisha ukusokololwa kwa busokololo bwakwa Abeli, icashininkishiwe na Lesa ukuti cali icalungama. Kabili Kaini alitaleme ukulwisha ici, kabili nokwipaya munyina wakwe.

Aba Faliseo, nokwishiba kwabo ukwa mu filonganino paco i Cebo cakwa Lesa cali, bena basalile-nokusonta umuntu, batalamine ukulwisha i Cebo icashininkishiwa icakwa Lesa ica sokolwelwe ica bushiku bulya, Yesu Kristu, kabili noku Mwapaya. Ico cili icalungama?

Ifyo efyaba “abana bashibela” baba, ukutalamina i Cebo cakwa Lesa.

Nomba moneni apo baba? “Oh, inshiku sha fisungusho shalipita. Yesu Kristu talati abe cimo cine na nomba. Takwaba icintu icaba ngo lubatisho lwa Mupashi wa Mushilo. Fyonse ifyo fintu fyabulamo amano!” Mwamona, bucintala! Bena tabafwile ukulanda ifintu fibili; bafwile balandafye icintu cimo, epelafye. Uko ekutalama, apopene fye. Bena teti balande ukuti tamwakwata amenso, tamwakwata amatwi; mufwile mwabula umubili onse, i Cebo conse. Mwamona?

Mupashi wa Mushilo aleta, “Fumeni muli ena, mwiba abakumako ku masambilisho yakwe,” nga fintu ena atemwa ukupumya pa Cebo cakwa Lesa ica buno bushiku.

“Pantu Lesa tashentekwa,” ibukishenifye. Ali nokucipokelela cena. Taufwile ukusakamana. Ali noku cipokelela. Baibele, mu bena Efese 4:30, ngamulefwaya ukulemba ico, abena Efese 4:30, yalanda ukutila. “Lesa tashentenkwa. Conse ico umuntu abyala, ico cine eco ena aali nokulobolola.” Bena teti bapumye no kuseka, kabili nokulanda ifi fintu, kabili nokuya ukwabula ukukandwa. “Ngo mukate wa poswa pa menshi, wena ukabwela.”

<sup>169</sup> Ena ni nabwinga wakwa ciwa, uwapombwa mufya bukapapa bwakwe, uwatemwa-ulubembu no kwishiba ino nkulo iyabipa intu tuleikalama, ukumibepa imwe. Oh, owe! Ibumba lyonse nangula icilonganino ca mipashi ibeleleka, ukupitila

mukwishiba kwafya bu scineci kabili nokutumpuluka kwa nomba! Ukulalanda. . .

Ifwe twalaisalila muma miniti fye ayanono. Mfwile naleka, pantu teti Mpite muli fyonse fye, mwamona.

Ukulanda ukuti ena alekuula isonde likalamba ilya kwikalamo imwe. Ena ukulanda, ico mukutumpuluka kwakwe, ena aali kuula ama calici ayasuma, amasukulu ya kukanshishamo, amasukulu, ifipatala, umwakubelengela amabuuku yalekena lekana, kabili no bwafwilisho bwapa kashita akanono ubwa muntu, ukwabula i Cebo cakwa Lesa. Ena alacicita cena. Aali shininkisha ukuti acicita cena. Kabili nabantu balekonka ici; ee, mukwai; amasukulu, ifilonganino, ubwikashi bwa bantu, abantu ukufwala-bwino, abantu abalishiwa-bwino.

Ine kuti cawama ndi mu mulongo wa bamukate, kabili nokuba uwalungama pamo na Lesa; ukucila uukulalya inkoko yasalulwa imiku itatu ubushiku bumo, kabili nokulaba na cilende musango uyo wine.

<sup>170</sup> Ibukisheni, inshita naipalama mupepi ilyo icishibilo calaisa. Iwe limbi ukuba muli cena nangu kunse ya cena. Cena cili no kwisa ngo mupupu ubushiku. Cena cili nokukusanga mulya mwine, kabili ukaba na mulya mwine. Takwakabe ukufumamo muli cena nomba; iwe ninshi naucisenda cena. Fumamo!

Malaika umo aikile ukufuma mu Muulu, no kubeka kukalamba pa mpumi, kabili nokubilikisha ku bantu. Cena casunkenye isonde. “Fumeni muli Babiloni, pantu ena na pona. Mwiba abakukumako ku fikuko fyakwe, Mwebantu bandi!” Fumeni muli ena. Fumenimo! Bushe tatwacibelenga cena nomba mu line mu Cebo, pakashita kapitapo? Uyu *malaika* ni “nkombe,” mwamona, ukwikila panshi. Moneni Mupashi wa Mushilo, “Fumenimo muli ena, ukuti imwe tamuli aba kumako.”

<sup>171</sup> Nomba ena aali kuula fyonse ifi fintu. Ena alikuula ama calici yakalamba. Ena aali kuula amasukulu yaku kanshishamo, ama sukulu, ukubula abantu no kula basambilisha bena ukuya mu—mu cawama, ico-icitwa, ukutumpuluka. Kabili bena baliba sambilisha bena no kutumpuluka kwa nomba ico icabaleta mu cilindi ca mfwa, ukupitila mukwishiba, ukufuma kuli Lesa ne Cebo Cakwe.

Bushe tamulemona ukutantika konse? Bushe mwacimona ico, chalichi? [Ulukuta lwatiila, “Ameni.”—Kale.] Ukulandwa pa mulabasa, nga cakuti mwali mona cena mu lukuta lwenu kulya kuncende, soseni “ameni,” abashala bena bali nokwishiba apo mwiminine. Mwamona?

Alicicita cena. Ena ni. . .Ena ni lesa walino isonde, kabili aali kuula amasukulu yakukanshishamo. Aali kuula amasukulu yakalamba aya masambililo. Aali kuula ifipatala. Aali kuula umwakubelengela amabuuku ayalekana lekana. Aali kuula

fyonse ifi fintu ifyakwa fwilisha umuntu pakashita akanono mukubabeleleka bena, ukufuma kuli cilya i Cebo. Kabili nikwisa uko alebatungulula bena? Ichalichi ce sonde lyonse naciposwa mu mfwa, pantu Lesa alanda ukuti Aali nokoca cilende, nabana bakwe, pamo nomulilo waktwalilila.

Fumenimo muli cena, mwe bantu! Tamufwile ukusangwa mulya. Imwe kufuma muli cilya cintu mukwangufyanya bwangu nga fintu mwingacita!

Ukupitila mukwishiba ifya bu scienci, ena emo acitila ifi fintu, nomba moneni, ukwabula i Cebo cakwa Lesa.

<sup>172</sup> Lesa tatalile atulashika ifwe ukuya mukukula amasukulu. Ena tatwebele. Ena tatalile atweba ukukula ifipatala. Fyena fisuma. Ena tatwebele ukukula umwakubelengela amabuuku ayalekana lekana. Iyo mukwai. Ena tatwebele.

Atiile, “Kashimikileni i Mbila nsuma.” Kabili, i Mbila nsuma, ilesokololwa, ukulangisha amaka ya Mupashi wa Mushilo.

Paulo atiile, “I Mbila isa kuli ifwe, te mwishiwifye epela, lelo ukupitila mukusokololwa na mukulangishiwa kwa Mupashi wa Mushilo.” Paulo atiile, “Nshatalile isa kuli imwe pamo na mashiwi ayakalamba ayamano ukupitila muli dokota umo uwaba wakuti, lelo Njisa kuli imwe mumaka namu kulangishiwa kwa Mupashi wa Mushilo; ukuti icicetekelo cenu tacili mu mano nangu mukwishiba kwa bantu bapano isonde, lelo mumaka ya kubuka kwakwa Yesu Kristu; pantu Ena aba no mweo, uwaba cimo cine cine mailo, ileelo, kabili no muyayaya.” Lesa twafweni ukucetekela icintu cimo cine, kabili Lesa ashininkishe icintu cimo cine nga fintu Acita.

<sup>173</sup> Ena alakulesha ukuti taumwene ubusokololo bwa cine kabili ne cicetekelo ca Cebo cakwa Lesa ukuba ica sokololwa kabili nokushininkishiwa ileelo, ukupitila mu masukulu yakwe, mufikulwa fyakubelengelamo amabuuku ayalekana lekana. Mwamona? Alakulesha ukufumako kuli cena. Ena nomba eulepilibula, nga fintu ena acitile kuli Farao, ukweshu ukulesha iwe ukuti taumwene ubupilibulo bwa Cebo ica bulayo ca nkulo Yakwe mu Lubuuto lwa cungulo kasuba, ukushininkishiwa nokuti cine. Alyesha, ukupitila mu kwishiba, na masukulu, kabili na bantu abasambilila bwino, nefya kukonka pa ncito, nafimbi ifyaba ngefyo, ukulesha iwe ukukana mona Ico.

Conse fye, pakuti tauloleshe pali Cena nokumona ukuti uyo ni Yesu Kristu! Kuti waishiba shani ukuti uyu ni Yesu Kristu? Ena ni Cebo, kabili Ena e Cebo ca ino nkulo. Kabili ino nkulo, alandile ukuti ici cili noku citika muli ino nkulo, kabili pano cena cilecitika. Mwamona? Mwamona? Ena aleesha namaka yakwe ukulesha imwe ukuti tamucimwene Ico.

Ena kuti abikapo ishina ilya fiko pali Cena ena kuti acita. Mwamona? Ena kuti acita Cena “bakakunkuluka-ba mushilo”

kabili na consefye cimbi. Ena atiile Yesu “Umukalamba wa fiwa.” “Kabili bena nga baita Shikulu wa mu ng’anda Umukalamba wa fiwa, nga abasambi bena tacili nokucilapo mukubeta?” Mwamona?

<sup>174</sup> Mwamona, ukweshwa ukumileshe ukuti mwimona ubupilibulo ubutuntulu ubwa Cebo. Te buutu. . . Mwamona, ena alepilibula Ubo, ukutiila Cena cilepilibula *ici*.

Lesu atiile, “Nalaile ukuti mu nshiku shakulekelesha Ndi nokutuma kuli imwe Malaki 4.” Ico tacilefwaikwa no ku pilibulwa; Ena eflyo acitile cena. Ena atiile, “Kabili nga fintu cena cali munshiku shakwa Loti, isonde lili nokuba mu mibele ya Sodomu; kabili muli ilya nshita, Nkasokolola u Mwana wa muntu ukupitila muli cena, bwino bwino fye.” Ifwe natukwata imisango yonse iya kupashanya ne fintu fimbi ifyo, ifya cena, lelo ifwe natukwata Ena umutuntulu, pamo. Mwamona? Ena atiile Ena aali nokucita cena.

Atiile mulwisha kristu akema kabili mupepifye nokubepa Uwasalwa nga kuti cena cacitwa. Lelo atiile, “Lekeni babe beka. Lekeni bena batwalililepo ku ntanshi. Ubupumbu bwabo buli nokusokoloka.” Mulandunshi? Ukwesha kwa Cebo kuleshininkisha cena. Mwamona?

Lintu cena cafika pali cilya i Cebo, “Cilya icaba ukufuma na kunuma mulu *iyi* nshila, *ilya*? Oh, Nshacetekela mu lubuto lwa nsoka. Nshacetekela muli *ici*, *ico*, kabili namuli cilya *cimbi*.” Cena tacatala acisokoloka, mwamona, iyo, tacatala. Oh, munyina, loleshafye kulya. . .

Tufwile twalaisalila, pantu inshita yaba ni twelufu koloko.

<sup>175</sup> Moneni, ukweshwa ukuti tamumwene ubupilibulo ubwa Cebo ca nkulo ino, ubwa Lubuuto lwa cungulo kasuba ululepilibulwa. Lwena luli. . . Cilepilibula cinshi *ici*? Ninshita yakufuma yafika, Lesu aleishila Ena, ukushininkisha nge calo. Mwamona?

<sup>176</sup> Nomba Ndefwaya imwe ukumipusha ili pusho. Lintu, yena yaba twelufu koloko nomba, amaminiti yasano pa numa; kabili ifwe twalatwalilipo, munshita ino iya bushiku. Bushe namumona lesu uwankulo ino? [Ulukuta lwatiila, “Ameni.”—Kale.] Bushe namucetekela ena? [“Ameni.”] Moneni cena fintu cili, ichalichi, amano yakusambilila, scienci?

Isonde lyonse lyaba kuli cena, mwamona, ifilonganino. Kabili, walanda ukuti, “Ndi mwina Kristu.” “Cilonganino nshi wabamo?” Cisuma, nga cakuti Ndi membala wa icilonganino, Nshilecetekela ukuti Ndi mwina Kristu. Nomba, ilyo lishiwi ilikalamba, lelo ico nacilungama.

Ine elyofye nacipwisha ukulanda ukuti ukwishiba na scienci, nobwina Kristu, tafyakwata isenge nakalya. Cimo cakwa ciwa na cimbi cimo cakwa Lesu. Conse icintu ico icakama i Cebo cakwa Lesu, fumako kuli cena. Mwamona? Iyo, mukwai. Baibele



ilanda, munshiku shino isha kumpela, ku bena Kristu ukufuma muli ilya cilende, cilya icimuti ca busuma no bubi.

<sup>177</sup> Iicine cine, ena nakwata icisuma. Bushe umuntu umo kuti asosela ububi icipatala? Iyoo, mukwai. Umwakubelengela amabuuku ayalekana lekana? Iyo, mukwai. Amasambililo? Iyo, mukwai. Lelo, mwamona, bena balebapela bena ifyo ukwabula i Cebo. Moneni ifyo cena cili ickubepa? Ukubapela ichalichi ca kuyako, ukupepa kwa kupepa, “lesa ukwikala pa cipuna.” Bushe yalandile libela cena.

<sup>178</sup> Nomba iwe waba muli umo pali yonse iyo imibili. Kwaba fye ibili iya muli iyo pe sonde nomba, lyonse efyo caba, kabili cili nokuba ifyo fine paka Yesu akese, kabili na umo pali iyo nokonaulwa. Nomba iwe waba umo uwa pali iyi mibili. Umo pali yena, waikumanishako; umbi nano, emo wafyalilwa muli Wena. Mwamona?

Umo pali yena, iwe waba ulubali lwauko pantu emo wafyalwa muli Wena, ufwile ukuba ulubali lwa uko Wena. Bushe kuti Nakana ukuti Nalikwata ukuboko? Ukucila nga fintu Ningakana icili conse i Cebo cakwa Lesa, nga Naba icipandwa cakwa Lesa. Ndi lubali lwa kwa William Branham, Naba mu ciputulwa, kabili ne ciputulwa conse lubali lwandi. Kabili ne Cebo conse icakwa Lesa cifwile caikatana no mupashi wandi, caikatana no mweo wandi, caikata no bwikashi bwandi, Cena cifwile caikatana na mano yandi. Nga cakuti amano yandi yali ayapusana kuli Ico, ninshi u Mupashi wakwa Lesa tawaikala muli ine. Ico nacilungama. Ine tekuti nkane i Cebo cimo ica Ici.

<sup>179</sup> Imwe muli baku mubili umo. Efyo mufwile ukuba, cena efyo cifwile ukuba. Cena cifwile ukuba limbi u Mubili wakwa Lesa, ico icili Cebo; nangula umubili wa kwa Satana, kwi chalichi. Kabili ne sonde lyonse lifwile ukuba ku chalichi cimo; cena cipepa lesa umo ifi. Mufwile ukupepa limbi lesa wakwishiba, mushintilila pafyo mumfwa ukupitila mukwishiba, mushintilila pali *ici*, nangula *ico*, nangula *cimbi cilyai*; nangula mushintilila pa Cebo cakwa Lesa, ukupitila mukucetekela, ukulalolesha pali Ena ukuti acishininkishe Ici nokucilenga Ici icine.

I Chalichi cakwa Lesa cilelolesha pa kwisa  
kwa bulya bushiku ubwa nsansa ubwa  
Myaka ikana limo,  
Lintu uwapalwa Shikulu wesu aali nokwisa  
kabili nokusenda Nabwinga Wakwe uulolela;  
Oh! umutima wandi nawisulamo no  
kusumbulwa ilyo Ine ndebomba, ukulalolesha  
kabili no kupepa,  
Pantu Shikulu wesu alebwela pesonde  
nakabili.

Oh! Shikulu wesu alebwela pesonde nakabili,  
 Satana aali nokukakwa imyaka ikana limo,  
 Ifwe tatwakakwate uwakutwesha nomba,  
 Panuma Yesu nabwela pe sonde nakabili.

<sup>180</sup> Oh, mwebantu ba muli ino United States, umo iyi Mbila iley a nomba, butukeni pa maka ngefyo mwinga cita kuli uku kwishiba, inkulo yafya bu scienci iyo ifwe tuleikalilamo. Butukileni ku Cebo cakwa Lesa!

Imwe, Ine nangu umo uwinga—uwinga cishiba Ici; Takuli nangu umo uwinga cishininkisha Ici. Lesa Umwine eushinikisha pa Lwakwe. Takwaba nangu umo uwakwata insambu isha kucipilibula Ici; ine, umuntu uuli onse takwata insambu. Lesa Umwine eka pa Lwakwe eupilibula. Ena alipangile ubulayo. Ena atiile Ena aali nokucita ici mu nshiku shakulekelesha.

Kabili mu nshiku shakulekelesha lesa wa ino nkulo ya bipa aali nokupofwisha amenso ya bantu, na mano yakwishiba yakwe pamo, pa cimuti casakanishiwa ica busuma no bubi acili alepela ku bantu. Kabili pano paleisa, cilya cintu cileisa cileninika pamulu, wa cilya cilonganino ukufuma kunuma ya Nshita sha Mfifi, kabili na lintu i Nshita ya Mfifi tailabako, fyonse ukwimina mu muntu uwacilapo, Satana, uyo uwa sosele ukuti, “Ndino kuiisumbula nemwine neka ukucila pabana baume abakwa Lesa, kabili bakomfwa kuli ine.” “Kabili ena nga Lesa akekala mwi tempele lyakwa Lesa, kabili nabana baume bwakwa Lesa bakakonka Cena.”

<sup>181</sup> Mulandunshi, umwana wakwa Lesa, atiila, “Cisuma, umukashi wandi, cena tacili; ena musuma...” Twalililapo, kabiyefye ku ntanshi. Mwamona?

Watiila, “Cisuma, Ena atiile ‘abana baume bakwa Lesa.’” Ee, mukwai.

Umuntu, onsefye ifyo aba, apangilwe mu cipasho cakwe cakwa Lesa, pa mulandu wa bukata bwakwa Lesa. Kabili umwanakashi cintu-cafuma mu mwaume, tecakwa Lesa. Nacilungama. “Lintu abana bakwa Lesa bamwene abana abanakashi ba bantu naba wama, bena baibulile cila umo abanakashi.”

“Kabili nge fyo cali mu nshiku shakwa Noah, efyo cikaba mu kwisa kwa Mwana wa muntu.”

Nomba lolesheni, nga cakuti imwe mulefwaya ukwishiba pa ncende apo i chalichi cifikile, lolesheni pa ncende apo abanakashi bafikile, mwamona, pantu ena e chalichi. Lolesheni ifyo ena alecita, mwamona, kabili muli iyi nkulo ya bucene.

<sup>182</sup> Lolesheni, takwaliko umunkalwe, uwabipisha, uwasulwa, umusumba wabulalelale nganshi mu calo, ukucila pali Nazareti, kabili ukufuma mulya Lesa asalile nacisungu. “Bushe kuti mwafumamo icintu icisuma mu Nazareti?”

Kabili ukufuma muli iyi nkulo yabipa, umo lesa waino nkulo apofwisha amenso yabantu, nefya masambilisho ne filonganino; ukufuma muli ilya ine nkulo imo ine, Lesa alesala abantu abakwimininako i Shina Lyakwe.

Nangu pano bengaba abalekeleshiwa kabili abasulwa, ubushiku bumo Shikulu ali nokuleta

Abasalwa Bakwe mukati ka mpongolo, kabili abo bakaba afikapo pa fintu fyonse.

Nomba ifwe tuli nokwimba no kubilikisha, no kulashanaponse,

U mwana wa Mpaanga, akomika ifilamba fyesu;

Tuli nokukwata umulungu uwansansa uwakwisa ku mwesu,

Imyaka amakana ikumi. (Ico nacilungama.)

Abantu abasuma pe Shina Lwakwe kabili bena betwa Nabwinga Wakwe. (Ico nacilungama?)

Nangu bengaba abalekeleshiwa kabili abasulwa, ubushiku bumo Shikulu ali nokuleta

Abo abasalwa bakwe mukati ka mpongolo, (mu kufuma) kabili abo bakaba abafikapo pa fintu fyonse kuli ine.

<sup>183</sup> Ndeya ndekula mu mushinku wa muntu mukalamba. Kabili ne nshiku shandi na shitampa ukupwa; kabili nokumona kwandi kuli ukwashibantukila; kabili no lubingu lwa mweo wandi lwatampa ukwaka panono. Nshiletina imfifi. Pantu Ndefwaya ukulanda ici, pamo na Paulo, “Nali Mwishiba mu maka ya kubuka Kwakwe.” Te mulandu na pantu bakanshika ine, nga cakuti Ine nashiika muli bamba, nangula na pila mwi luungu lya mulilo, nangula inkalamu yandya, Ena ali nokwita ishina lyandi, kabili Ndi no kulanda. Ameni!

Natupepe.

<sup>184</sup> Nga muliko muno, nangu abale kutika pali balamya iyi Mbila ukuya monse mu calo, mu ma chalichi yenu ayanono kabili mu mabumba namu fikulwa, kabili naponse apo mwikele, nga cakuti kuliko umo, oh, lekeni mwebe; lekeni mipapate, nga kapyunga wa Mbila nsuma; lekeni mipapate, mwi Shina lwakwa Yesu Kristu; butukeni kubukali bwa ino nkulo iya bipa! Mwi bombela lesa wa nkulo ino iya bipa.

Oh, Ninjishiba mulelanda ukuti, “Yena isuma. Abo bena balifye bwino.” Bwino bwinofye, icimuti icasakanishiwa. Teti musakanye ukwishiba pamo ne Cebo cakwa Lesa.

Cena Cebo ico icifwile ukucetekelwa ne cicetekelo, te kwishiba. Ngawakana ukucikutuluka Ici; ufwile wa

Cipokelelafye. Walandafye ukuti Ici nacilungama, kabili nomba walaikalilila kuli Ici. Cena ico eco Ena aleipushafye iwe ukucita.

Nga cakuti kuliko umo uuli pano mwi bumba lyesu, ifwe teti tumite imwe ukwisa ku cintamba kuno, pantu tapalipo incende; nangu panse pamwela, nabali pali balamya, nga cakuti palipo umo usha Mwishiba uko konse. Mwikana. . .

<sup>185</sup> Oh, mwe banamayo, Nimukalipila muno lucelo, te ine iyo, Nacila ambulafye i Cebo. Imishishi iipi, ukulafwala ifya kufwala ifyapapatila ifyakale, ukulafwala we mwine palobe ifyakufwala fya kongola-ifya bu cilende butuntulu, bushe tamwiluka ukuti umupashi uyo. . .Kuti waba uwabusaka, nkashi, wemutemwikwa, lintu caisa ku mubili obe, lelo mu mweo obe bushe taulemona ico icaikatilila muli iwe?

Bushe Lesa apanga umwana Wakwe umwanakashi ukulamoneka bucende bucende ukubeleleka umwana Wakwe umwaume, ukula mukumbwa ena, uku balenga bonse babili ukwasukilapo pa bucende? Bushe Ena kuti acita cena ico, nkanshi? Ipushe we mwine ilyo lipusho. Iyo, nangu fye niba mailoshi amamillioni ikumi limo tekuti cibe ifyo. Taufwile ukulambalika ico pali Lesa.

<sup>186</sup> Munyina, bushe lesa akupela umupashi wa mwisonde icakutila teti umone ukuti ico ico nacilubana? Bushe alipofwisha amenso yobe, ku fikonkwa ifya chalichi, icilonganino, amasambilisho, kabili ne fili ngefyo, ico tawingamona ukutila Lesa aleshininkisha i Cebo Cakwe no kucipanga Ici ifyo fine? Bushe nincito yobe, bushe mukalamba wancito obe, bushe mukashi obe, bushe bana bobbe, bushe chalichi cobe, nangu icintu icili conse, ecakupatulako ukufuma ku Cebo cakwa Lesa, ico icabafye entulo imo iiya Mweo? Butuka kuli cena, munyine! Nalikutemwa, nokutemwa ukwa bu lesa. Nshipela umucinshi onse pali ba munyina abandi abacilapo pali iwe, iyo nakalya. Nga cakuti Nacitile ifyo, Ine ninshi kuti nacindika umuntu. Nshile landa ifi fintu ukumilenga mukalipe. Ndelangisha, ukulanda ifi fintu pantu fyena fyaba mu Cebo cakwa Lesa. Kabili mgane mubomfi wakwa Lesa, kabili no kutemwa kwa kwa Lesa kwaba mu mutima wandi, Ndemweba imwe ifyo fintu ukuti imwe mwingamona kabili nokukutuluka. Limbi teti mwishibe nga cakuti Nshi mwebele imwe. Mukwai butukeniko kuli cena ileelo?

Nomba, nakonse ukuya mu calo, natukontamike imitwe yesu.

<sup>187</sup> Mwe Lesa mwebasuma, utulambalikwe kuli ine tutambala. Abantu naba lwala; Nala lambalika amaboko yandi pali bena, ukutila Mubondape.

<sup>188</sup> Kabili Nincetekela, Shikulu, mu nshita ico, iyabushiku, ukutila kwalaba ukulongana ukukalamba, ukutila Amaka yakwa Lesa yalaba pano pene, ifishibilo ne fisungusho.

Pamo nga fintu twacumfwa ifyafuminemo mu kulongana mu kulongana kwakulekelesha, ifyo cali icawamisha, moneni icintu cacitike! Napepa, mwe Lesa mwe busama, ukutila Mwalatupela icakaniko pabili mu nshita ino iyabushiku. Napepela pali cena ne cishinka mu mutima, Shikulu, pantu cena kutemwa kwandi pali Imwe ne Cebo Cenu, kabili napali aba bantu. Cifikilisheni cena, mwe Lesa mwe basuma.

<sup>189</sup> Kabili nga cakuti ukuya monse mu calo, nangu ni pano pene nomba, ukuti palipo bamo balwele no kukalipwa, Kabili balefwaya ukutandalilwa mu nshita ino iya bushiku, tabali na pano, nangu bali kulya muma chalichi nangu mu ncende umo bena nombaline; Napepa ukuti Mubondape. Nomba, Shikulu, lelo ubundapishi bukalamba pa bundapishi bonse! Nga cakuti Mwaundapa imibili yabo ukufuma kwi pwalonda, icifuba Cantanda Bwanga, akalaso, nafimbipo, bakalwala nakabili takuli kutwishika nga cakuti baikala inshita ntali, pantu imibili yabo icili pesamba Iya lubembu, icitipu. Lelo lekeni ba pokelele ubu—ubu tuntulu ubundapishi bwa Mupashi wa Mushilo, ubundapishi bwa mweo, ubo ubulenga ukuba icibumbwa cipya, ukupula mu mfwa nokuya mu Mweo, kabili nomba nokulalolela muli ili hema Iyakale ku kulubulwa kwa mubili panuma yakulubulwa kwa mweo. Cifikilisheni cena, Shikulu.

<sup>190</sup> Lekeni bena bafumeko kuli fyena ifilonganino nama sambilisho. Lesa, fumenimo muli bena amasambilisho ne filonganino Nalikumanya bamo bamunyina abasuma nganfi. Kabili, mwe Lesa, nimu musango nshi Ninga landilamo cena ukuti bena benga cimona, kabili no kubelenga bena ukumona i Cebo? Cilansakamika. Lelo Nalishiba, kabili, ukuti Mwalilanda ukuti, “Takuli umuntu uwingesa,” nangu engaba umusuma, uwafuuka, uwanakilila, “kano Taata Wandu amwita ena. Kabili na bonse abo Taata Wandu Ampela, bena bali nokwisa.” Kabili, Shikulu, Naumfwa pa lwandi neka ukushingamwa paku landa Icine.

Kabili tefilya Paulo alandile ukuti, “Ukwikata i Cebo cakwa Lesa no bucenjeshi,” pamo namasambililo ya mufilonganino ayasankana muli Cena, nge cimuti ica sakanishiwa no busuma kabili no kwishiba, ubusuma no bubu; lelo no mutima uwaisuka kabili na Mupashi wa Mushilo. Cifikilisheni cena, mwe Lesa. Pususheni umuntu onse.

<sup>191</sup> Nomba ne mitwe yesu naikontama kabili na menso yesu nayasalwa. Kabili tekuli ine. . . Ine teti nande cena muli uyu musango, “Cena kuli ine tacilepangapo ubupusuna nangu kuti wacicita nangula iyo.” Cena kuli ine cilepangapo ubupusano. Nali mitemwa. Kabili Ni nsabila ukuti tamuletontokanya pantu Mfwile nalanda amashiwi aya bipa. . . Nga fintu Paulo alanda ukuti, “Ine kuti nafwaya ukuba pamo naimwe, kabili Ine noku cinja imibele yandi.” Cena tacali icakutila pantu ena tabatememwe bena; ena aali batemenwe bena. Iyo. . . Nga

fintu Yesu alibakalipile bena, kabili nomba no kubafwila bena. Mwamona, “Taata, beleleni; bena tabeshibe neco balecita.” Ukutontonkanya, umuntunse uyo uufwaya ukuba uwalungama, kabili ukwesha ukuba uwalungama, kabili nokumona ulya ciwa. . . Ulya eumo untu Nshifwaya, uyo uwapofwisha amenso ya aba bantu.

<sup>192</sup> Ici icalo cifwile ukulabilima nobukata bwa kwa Lesa, ukumona ico icacitika muli ena muli shino nshiku shakulekelesha, shino ishakulekelesha. Mulandunshi uku ukupuputula takwaingilila mu fyalo fya kale? Kuno niku ku Lulamba lwaku Mboshi kuno kwine, ukwalepesha ku mboshi uko iwe winga fika. Nomba icakucinga calubembu ca libutukuta pe samba lye sonde, kabili ena aletotobela; ififulo, kabili Los Angeles na Hollywood, filetotobela ama inches ayengi pali ora umo, takuli inshila imbi iya kuleseshamo cena. Ee, ifwe tuli pano. Panshita iili yonse ifwe tuli no kumfwa ukwitwa. Nga cakuti imwe mwalishiba ico. . .

Nomba, umuntu nangu umo tafwile ukulolesha. Lelo ngacakuti nawishiba iwe, ukufuma mu mutima obe. . . Ine ndeipusha imwe. Ine teti njishibe ifili mumutima wenu, kano Lesa asokolola cena. Lelo ukufuma mumutima, ngakuti wamona ukuti tauli pantu ufwile ukuba pamo na Lesa kabili ne Cebo Cakwe, mu cicetekelo, ngakuti wa imyako ukuboko kuli Ena, landa kuli Ena, “Shikulu, Ngafweni.” O mwe Lesa! Ukufuma muli ici chalichi, iciswile, iciswile ukufika naku fubumba, mukati na kunse, mucituntulu imyanda ya maboko, limbi imyanda ibili iya maboko ayemishiweko pamuulu. Namitotela pacishinka cenu.

<sup>193</sup> Mwe basuma Yesu, mwi leka nangu umo pali bena ukuluba. Nga ne mubomfi Wenu, uyo uwiminina pakati kaba mweo na bafwa, ukula basontetela bena, no munwe, ku Cebo cakwa Lesa. Ine tekuti mbapusushe, Shikulu, lelo bena balefwaya ukupusuka. Kabili, Taata, nga fintu Nanda imiku iingi, ukusuba katula mulucelo; kabili lintu kaleima kena kalapita pe sonde, kena katumwa na Lesa kuku leka imbuto ukupya, kukupanga ifyakulya fya cifyalilwa ku bacifyalilwa abali aba mwe. Lelo, O mwe Lesa, Mwatiile, “Kuli bena abo abatina i Shina Lyakwe a Kasuba ka bulungami kali no kwima no bundapishi mu mapindo ya Kako.” Leken i Kasuba ka bulungami, i Cebo cakwa Lesa, keme mu mitima ya bantu, kabili ne myengelele ya bundapishi iya cicekelo muli cilya Cebo cundape ukukana bela i Cebo, kabili nokubaleta bena ku mwisulo wa bana abaume naba nabanakashi bwakwa Lesa.

Bena Benu, Shikulu. Mwi Shina lyakwa Yesu Kristu, konse pano kabili nabambi panse palya pa mwela, Nabapela kuli imwe bonse abo bacimyako amaboko yabo kuli Imwe kwipusukilo lya myeo yabo. Amen.

Kulya ukusumbulwa kwa mweo wandi kuli  
 nokusangwa (Kwisa? Pali cino cipailo.)  
 Ukutusha kwishilya . . . (Ukupitila mu  
 cicetekelo Ndelolesha ukwabuka kulya uko  
 Ndeya.)

Mupepi ne capindama, (Kulya eko i Cebo  
 cikobeme.) . . . pa capindama,  
 E ku mutima wandi;  
 Ine nsangweko pe  
 E ku mweo wandi.

Yesu, nsungeni ine . . . (Abo aba, tanikwa pamo  
 na Ena, tabafwaya nangu cimo ica mwi  
 sonde. “Nsungeni ine uwatanikwa.”)  
 Kuliko Akafukauka akawama,  
 Kali akabula ukushita kuli bonse, akamana ka  
 bundapishi,  
 Akalepita ukufuma ku Kafukauka ka Kalbale.  
 Kalbale, kalbale,  
 Mube ubukata bwandi . . .

Lekeni twimyeko amaboko yesu.

. . . lyonse;  
 Ine nsangweko pe  
 E ku mweo wandi.

<sup>194</sup> *Ndeumfwa Kapususha Wandi Aleita.*

Fungulula no kwikata ukuboko kwa muntu umo kabili landa  
 ukuti, “Lesá ukupale, we mwina Kristu.”

*Ndeumfwa Kapususha Wandi Aleita.*” Mwaumfwa Ukubapo  
 Kwakwe? [Ulukuta lwatila, “Ameni.”—Kale.]

Mwe bali uko ukucila pa myela isenda amashiwi pali  
 balamya, imwe bonse poshanyeni amaboko ya umo no  
 munankwe uku kwine, kabili soseni ukuti, “Lesá amipale, mwe  
 bena Kristu.”

<sup>195</sup> Namwishiba, kuli icishiba ca menshi ku numa pano.  
 Ena alesenda abantu abo aba fwala i Shina Lyakwe. Mwe  
 bashabatishiwa mwi Shina lyakwa Yesu Kristu pa kwelelwa kwa  
 membu shenu, eko cili icishiba, eko ili imingila, eko aali umuntu  
 uwiminine uwaipekanya. Muli abapokelelwa, nga cakuti imwe  
 icine icine namupokelela Yesu Kristu ngo Mupusushi kabili no  
 kucutekela ukuti e Cine.

<sup>196</sup> Ibukisheni, takwatalile ukuba umuntu mu Baibele, nangu  
 inshita yonse ilyo takulaba ukwampana kwa calici ca Katolika,  
 uyo uwatalile abatishiwa mu nshila imbi ukucila mwi Shina  
 lwakwa Yesu Kristu. Ta mwaba incende mu Malembo, nangu  
 mu lyashi lyakale, umo umuntu onse abatishiwe, mu Chalichi  
 cakwa Lesá, wa mweo, mwi shina lya mashina “Tata, Mwana,

Mupashi wa Mushilo.” Yena ayo masambililo yaba Katolika, kabili tekufundisha kwa muli Baibele.

<sup>197</sup> Ilyo naleipusha amepusho na shimapepo, Namwipwishe ico. Ena atiile, “Ico e cine. Lelo nifwe ichalichi; kuti twa cinja ico conse tulefwaya ukucinja. ukuposako amano kwaba mu Chalichi. Lesa aba mu chalichi Cakwe.”

<sup>198</sup> Natiile, “Lesa aba mu Cebo Cakwe. Kabili nga cakuti i chalichi ca...” Natiile, “Lesa e Cebo. Kabili nga cakuti i chalichi caba icapusana ne Cebo, nomba teti Ncetekele ichalichi.”

Ndaleka ishiwi lya muntu onse ukuba ilya bufi, cibe ni shimapepo, papa, onse untu ena engaba, ne Cebo cakwa Lesa ukuba ica cine.

Kabili Paulo alengele umuntu onse, te mulandu no musango abatishiwilemo, nga cakuti ena tabatishiwe mwi Shina lya Yesu Kristu, afwile aisa nokubatishiwa nakabili.

<sup>199</sup> Kabili panuma bamo kale bapokelele Mupashi wa Mushilo, Petelo atiile, “Bushe kuti twalesha amenshi, pakumona ukuti aba bonse naba pokelela Mupashi wa Mushilo,” Imilimo ya Batumwa 10:49, “pakumona ukuti aba bonse naba pokelela Mupashi wa Mushilo nga fintu twacilile mukutendeka...” Kabili abebele bena ukuti, “Lintu tamulafuma pa ncende, nangula namupokelela Mupashi wa Mushilo, iseni no kubatishiwa mwi Shina lwakwa Yesu Kristu.”

Pantu, Petelo bamupele ulufungulo lwa ku Bufumu, ukulanda ukuti, “Conse ico iwe wakaka pe sonde, Ndi nokucikaka cena mu Muulu.” Kabili bushe cinshi ico ulufungulo lucita? Lyena lulesha icintu cimo, icankama.

<sup>200</sup> Kabili lintu Yesu atiile, “Kabiyeni, nokubatisha bena mwi Shina lya kwa Taata, Mwana, Mupashi wa Mushilo,” ukubika ico palya ku kupofwisha abasha cetekela.

Loleshini! Mulandunshi Petelo tacitile ico, ishiwo ne shiwi? Ena aali no kucita.

Nga cakuti umuntu abatishiwa mu mashina, “Taata, Mwana, Mupashi wa Mushilo,” ena ninshi nokubatishiwa talati ukuti abatishiwe nakalya; ena takwata i Shina. *Taata* te shina, *Mwana* te shina, na *Mupashi wa Mushilo* te shina. Mupashi wa Mushilo efyo Cena caba; Ndi muntufye. Cena ni Mupashi wa Mushilo.

*Taata* cakwiminakofye; Ine ndi wishi. *Umwana* ca kwiminako fye; Ine ndi mwana. *Umntu* cakwimina kofye; ifyo efyo Ine naba. Lelo ishina lyandi nine William Branham.

Kabili i Shina lwakwa Taata, Mwana, Mupashi wa Mushilo e Shina lwakwa “Yesu Kristu.” Yesu atiile, “Naishila mwi Shina lyakwa Taata Wandu.” Bushe i Shina lwakwa Taata li shina nshi? Umwana onse eshila mwi shina lyakwa wishi. Kabili ne



Shina lyakwa Wishi ni Yesu Kristu. Mwamona? Mwamona cintu Ndepilibula?

<sup>201</sup> Nga cakuti Nakweba ukuya nokundetelako ine icintu cimo ukufuma pe tebulo litali palya, mwishina lya mukalamba wa musumba. Nibanga baishiba uwaba umukalamba wa musumba? Ni cibusa wandi umusuma, Rich Vissing. Ukuba, iwe teti uye kulya nokulanda ukuti “mwishina lya mukalamba wa musumba.” Mulanda ukuti, “Mwi shina lyakwa Richard Vissing.” Mwe bantu muno mu Jeffersonville mwalimwishiba nefyo ena aba.

Kabili uyo wine emulandu Ena alandile ukutila, “Taata, Mwana, na Mupashi wa Mushilo.” Muli Ena emwaikala bu Lesa, umwisulo wa bu Lesa mumubili. Ena atiile, “Mulebatishisha mwi Shina lyakwa Taata, Mwana, Mupashi wa Mushilo.”

<sup>202</sup> Petelo uwaiminine palya no busokololo pali bwine Ena akulile i Chalichi, pali Untu Ena aali, ena attiile, “Lapileni cila umo pakati kenu, kabili nokubatishiwa mwi Shina lyakwa Yesu Kristu.” Kabili tasha talile. . . Ifungulo ukubwelelamo mu Muulu na pano sonde. “Takwabako i Shina limbi pe samba lya Muulu ilya pelwa pa bantu ilyo mufwile mwapusukilamo.”

<sup>203</sup> Mulandunshi mubatishisha mwi Shina lyakwa Yesu Kristu? Ni mukuti imembu shelelwe. “Onse untu imembu shakwe shaelelwa, kuli abo bena ninshi nshaelelwa.” Mwamona? Lelo ngo letontokanya ukuti tapaba uwafikapo kabili ukuti enga batishiwa, taufwile ukucita ici. Pantu, lintu wacita ici, ico ninshi capwa, mwamona. Uli nokupokelela cintu Napilibula?

Ndeumfwa uwandi Kapususha (i Cebo) aleita,  
(Aleita panshi palya ukufika ku nshishi.)  
Ine nde . . .

“Tawafwe iwe pamo na Ine, pakuti iwe kuti waima na Ine?”

. . . Kapususha aleita,  
Ndeumfwa Kapususha wandi aleita, (Cinshi  
ico isonde lili no kusosa?)  
“Bula icapindama cobe, kabili nokunkoka,  
ukunkoka . . .”

Nomba, nga cakuti iwe tawafika:

Kulya Ena (Ena ni Cebo.) aletungulula ine  
Ine . . . (Kulya kuli icishiba.)  
Uko Alentungulula Nkakonka,  
Uko Alentungulula Nkakonka,  
Ine nkaya nao Ena, nao Ena inshila yonse.

Natukontamikeko imitwe yesu.

<sup>204</sup> Mwe Lesa mwe baba abasuma, icishiba cili icapekanishiwa. Nomba landeni ku mitima, Shikulu. Lekeneni bomfwe bena Kristu, i Cebo, uulebeta bena, kabili no kuya pamo na Ena mu nshila yonse.

“Ndinokuya pamo na Ena ukupita mwi baala. Ndi nokuya pamo na Ena ku cishiba. Ndi nokubula i Shina Lyakwe. Ndefwaya ukuba umo pa bantu Ena aleita pe Shina Lyakwe. Ndi no kucetekela i Cebo Cakwe. Ndi nokukonka. Nshili nokula angala ne sonde. Ndi nokuba uwa cine, Nabwinga wakobekelwa. Nshakasheko nangu kantu kacepesha aka Cebo Cakwe. Conse icakwipusha, Ndinokuba umutuntulu, Nabwinga wa cine. Fyonse ifyo Ena akanjipusha ukucita, cio Ndi nokucita.

“Nga cakuti Umulume wandi alefwaya ine ukuleka imishishi yandi ukukula, Ine ndino kucita cena. Nga cakuti Ena alefwaya ine ukufumyako yonse iyi kalaso, Ndi nokucita cena. Nga cakuti Alefwaya. . . Ena nga anjeba ukuti mupashi wabipa, wena umo uwabipa euntu Nde angala pamo, pamo na bena abafwala ifyakufwala fya kongola ifya bucilende; Ndi nokucita cena, Ndi nokufifula ukufifumyako. Nshilesakama conse ico umuntu onse alanda, Ndino kufifula fyena ukufifumyako.

“Alefwaya ine ukufuma muli liya ibumba ilyo Ndi nalyao, ilya basha cetekela, Ndi nokucita cena; nangu Ndaifwaila umukate, nangu conse fintu cili. Alilaya ukuti Ena tali nokunsha nangu ukundekelesha ine. Ndi—Ndi nokucita. Ndi nokuya na Ena munshila yonse. Alefwaya ine ukubatishiwa mwi Shina Lyakwe, Ndino kucicita.”

Shikulu, mwalilaya mu Cebo Cenu apa, ico eco Mwalefwaya. Leken i umuntu onse acimone ici, Shikulu, kabili mu cawama, muku icefya na kontamina kuli Ici. Mwi Shina lyakwa Yesu Napepa. Ameni.

<sup>205</sup> Imwe muli bakwa Lesa. Leken i Lesa abule amashiwi ayanono ayaputaulwa kabili nokuyapanga ayatuntulu kuli imwe, lipepo lyandi ilya cishinka.

Icishiba cala pekanishiwa. Umuntu onse uyo uulefwaya ukwisa, bena nabakwata. . . Kapyunga alaisa bilisha ico nshita imbi. Umuntu onse uyo uwacilapila kabili alefwaya ukuti abatishiwe, ukubomfya i Shina lyakwa Yesu Kristu, iwe isafye ku ntanshi. Fyonse ifintu nafipekanishiwa. “Ifintu fyonse fili ifyapekanishiwa.” Fyonse fye ifyo ifwe twingacita ku ku myafwilisha ukwikalila muli Lesa, ifwe tuli pano ku kucita cena. Lesa amipale.

<sup>206</sup> Nomba natwiminine. Nomba ulwimbo lwesu ulunono, *Nali Mutemwa*. “Nali Mutemwa pantu Ewabalilepo ukuntemwa.” Leken i twimbe lwena, umuntu onse nomba.

Nali Mutemwa, . . .


Leken i twimye amaboko yesu lintu tuleimba lwena.

. . . Nali Mutemwa  
Pantu Ali ntemenwe  
No kushite pusukilo lyandi  
Pa Kalbale.

Ne mitwe yesu iyakontama nomba, lekeni tuing'wiintile yena kuli Ena. [Munyina Branham atampa ukun'gwintila *Nali Mutemwa*—Kale.]

Nali Mutemwa.

O mwe Lesa, Taata wesu, beni abaluse kuli ifwe fwe fibumbwa fya bulanda, Shikulu. Tukosheni ifwe pa mulimo uli ku ntanshi. Ngafweni, O mwe Lesa, ngafweni! Naumfwa ukuti icintu cimo nacilambalala pano pene, Taata. Nga fwilishisheni ine, O mwe Lesa, ukwishiba Icine. Paleni aba bantu, mwe basuma Lesa. Batungululeni bena, Napepa, mwi Shina lyakwa Yesu.

<sup>207</sup> Nomba lintu tukontamike imitwe yesu, Nalaipusha kakumba pano, Munyina Neville, muntina wesu umusuma, nina nokwisa pano pene nomba kabili nokusosa ico ena alefwaya, palwa nga...palwa lubatisho. Ine limbi kuti nabilisha ico. Ndetontonkanya icishiba na cisuuka, nalyo line. 

*LESWA WA INO NKULO IYA BIPA* BEM65-0801M  
(The God Of This Evil Age)

Iyi Mbila na Munyina William Marrion Branham yaletelwe intendekelelo mu Cingeleshi pa Mulungu ulucelo, mu Kasaka ntabo pa 1, 1965, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)